

景文集

景文集

景文集卷三十五

宋

宋

祁

撰

頌

太一新宮頌

并序

案仁宗本紀天聖六年九月祠西太一宮宋會要雍熙元年建東

太一宮天聖六年建西太一宮此篇當是祁已改大理丞國子直講時所作

臣聞昔者宅命之駿索百神以徧祭降生之嘉鼓萬物而均福然則祀典載其羣族禮文領其盛節疏之則氣縱而靡震狎之則精攜而不物上聖于是揖歸運之孚佑倚太虛而參變慎齋精意洞洞屬屬旁求于幽闇藝

蕭煇鬯芬芬苾苾烝進于馨香是以封君錯居守神靈者七千之廣冢宰制用備祭祀者什一之仿誠欲異而不瀆建爲有極鼓舞至妙祛合無垠以億上帝以庇生民者也粵若體粹亨之元奮希微之妙厥存主宰以司變化上驗祕緯之次總按萬靈之圖何言而善乎應象先而不爲老筆稱太一尊有十神毫息啟奉祠之方天官著常居之記化截羣有輔蓋高之監文包幽室啓無窮之命疇祀恤而不昌罔賈神而能永若乃瑰宮奕奕礪砥而孔曼嘉壇崇崇藉蕪而四合藥笈眞籍按循黜

式草樓上士奉承薰濯沃酒茅以示潔默牲鑿而撤腥蒐三代之文有所未秩擘羣條之極制定其當質不及野儀不過物鎮神華以作固舉裨海而蒙祉非巨宋之善制疇克臻于此耶恭惟皇帝陛下高拱密清共規洪鬯得天統以播憲括地象而經野建大中之治陳之浹日訂丕承之烈肆于時夏尺一信贖重撫樹惇之鄉六齊佳兵更鑄大農之器回霜收電而欽刑之恤鍼疽委轡而慎赦之數合質劑以一度同土炭以均風捫箕舌而望佞讒擺倖指而黜纖巧于是都人擯跽嚙于贅聚

身文集 卷三
女紅後纂組于絰織薪械美官人之盛鱮魚警萬物之
多光明緝熙上下充格儒者之喙三尺訥于抒頌從臣
之橐千翰禿于宣美方復澹然無治幾而不康可以震
珍見怪者罔不祈可以蒙嘉獲豐者罔不序由是種祠
舊時悉領縣官嘉幣偶馬以爲歲事者不可載已乃詔
建太一宮于都城之西南順禮文介熙事且言時也先
是筮龜旣同天星旣中圭以溯景泉以攻位鎮沈奧之
厚載據神明之積高審曲有經仵圖中覆陛下以爲崇
奉真陰導迎祕祉不可屈外府之財用取祝史之辭以

乃命損乘輿張飭發少府藏償其調度因過更冗卒覆
將作善匠給其具程旣而隴材千章周版百堵督墨爲
雨叩磬成雷法大壯之上棟憲斯干之南戶人不扶勉
工以雄成未踰二時大告考室述夫祕殿則崔嵬博敞
鬱律鴻紛翠蚪齊首以負棟海鷗鳧尾而銜瓦玉碣重
荷文璫四注陽宗倒光以納景陰祇濛霧而扶傾犀塵
不游螟風無隧乃有皇邸五色黼帷九張爲之真寢乃
有雲梢三素絲輿八景備乎仙衛甲乙異帳辛壬殊秩
衆殿竝列十座如一煥紫宮之是環玃赤霄而可挹其

左右則飛宇回帶修廊班屬雲梁白層芝栢萬狀因其
真畫之品竝縉羣靈之跡恍然覺神仙之可以致肅然
知鬼神之易爲巧其前則藻扁連觀抗爲重門樹松隱
椎表其馳道揭示篆銀之榜列坐鑄鐐之狄所以震疊
焜照千祀也其外則繚垣白盛靈囿封殖甘露騰文于
茂樹醴泉側出于陰溝間以九層之臺五城之樓榮曝
在袂挹浮丘所以範圍鴻洞九清也及夫嘗烝戒且
剛柔涓辰祓惟淨之場哀列真之對于是乎水土和氣
之實玉帛二精之虔止毛紛旅河潦淳漑仙漿挹斗香

雲薄霄像以鸞輅龍駒器以鈿金華蓋瑞祝發中而臨
遣使者持節以侍祠靈璈絳幡導乎謁款則盥而不爇
稽大易之象坐工合樂陪乎夜誦則昏祠至明采甘泉
之制高真竝享啐福如儀飛龍秋游以格思肸蠶興作
而歸福數百千所聊記符瑞之多七十五來更邁神光
之異猗歟盛哉濬哲之能事神明之鉅典也蓋制作之
本我朝舊矣始太宗徇史官之請胥宇于國南以開拜
貺之館今陛下按故府之法度筵于都右以敞集靈之
庭俯仰其前不失夏家之舊物陟降于上越成周邦之

新命有由然也夫神能專福不加于鮮德君能專祀不殖于非禮且如黜其刳血豈爲穀鯨之愛而懿德改薦遂介無疆之休探乎祕經不徇拘攣之義而層構昭事自成一王之典捐金斥幣紓執事之滯而民不益賦升壇奠尊爲百姓之請而過無移下由是言之寧不善始善述雖絲衣其紕高子誌星尸之繹夢蛇下屬文公作廊峙之瑞待我具五始標黑帝之祠嚮坐而拜躬接高門之享一何區區者已下臣陶乃文之化覲告成之蹟固非大夫之能賦實虞薪者之多誦輒次輿頌升之有

司其辭曰

奐焉層構兮鎮我都之夾右兮我稽神宗之舊兮

右一章

肅然上靈兮戾我宮之靖冥兮我據昭德之馨兮

右二章

帝宥黔黎兮匪孔禱之私兮與神衷是對兮俾物之阜而滋兮

右三章

天眷聖皇兮執周道之彊兮俾君壽而臧兮配天之久

且長兮

右四章

藉田頌

案此篇是仁宗明道二年
直史館時所作

皇帝再紀元之明年春二月率羣臣耕于東郊恤愷祀
祈豐年也前此詔書示有司曰自我太宗襲熙厥功億
神裕人宥命方國肖翹跂行亦莫不寧永惟土著之本
民天之重乃躬藉田以倡農先震地房之滿肯導改政
之長懋柔嘉令芳于是乎孚臍蠶鹵莽滅裂于是乎復
敦龐穗滯秉遺見糧如坻我真考因其累盛重以明德

故能步師百萬狩豳聞見武節高世八九升突遼建元
封奉符隕祉以攄無極肆余承緒祇率厥典則蕤蕭布
幣固有常所監農狎野厥存舊章惟一二執事率循而
懋明之方春作時百穀革始始使斯人悅羽旄之美重
見漢官後嗣諗稼穡之艱不失夏物無贅聚儲峙無煩
勞供帳趣合于禮劬吾農焉前期則修飭神墜按除膏
壤夷道如砥呼蹕填街稍夔獮以護野雜荆牟以守燎
阡陌繡錯原隰龍鱗蒸膏冒愀協風回春于是旄頭先
馳屬車齊躅奔星舞于旗旂行月棲于羽籥壽犀注鎧

肅給乎師營蒼虬範馭秋游乎天轡瓊鋌流景金根照
塗帟幕周張紈綃綵繅既而揉耒剡耜載保介之間先
種後稷龐播柚之器官分無諉事具不教天子乃以丙
午之旦升華輅由大庭顏行山則銜枚無聲龍虎見象
堪輿奔警空闐闐切囿游乃徜徉乎層城之外五精來
同七聖景從鑾聲佩節次于帷宮上既淳濯圭潔儲思
淵默昧明乃頓大次款嘉南索先農以享之因教稷以
配之血毛幽金石饗匄躬接妥侑加祠官之一等禮
重沿襲具祖宗之遺意爾乃降靈場儼朱紘物覩于聖

天健其行星田彌望紺轅儲駕洪縻序進玉步有容三
推成禮邇臣告備上曰朕志在敦本充其強力既可以
勸何憚于勤遂推而進之有司以義固爭幾十墜而後
釋乃始弭節容與御夫觀耕之臺三公羣后班趨次耨
靡然從風邁五踰九大農灑種庶人終畝官師抃手行
內天旋于時都人熙熙駐望阜軒或歌以壤或擊于轅
不圖叢雲之旦復見東戶之年日華晏溫天心馮豫奉
斗極御應門翔雞樹竿墜鵠宣制大賚四溟與之更始
虧除威辟存問高年振淹修墜平徭闕賦中外百執告

至而策勲踐過三更以差而賜帛膏以解雨鼓之異風
不崇朝而周萬國先是羣臣繹丕懿潤鴻名將琢之玉
版納于金匱至是則回雕輿坐前殿震照儀矩翕受典
冊皇哉茲禮真帝世之希濶臣工之旦暮者歟儒臣學
于舊史竊明載芟之詩甸師之職在藉之義有三說焉
一典籍之常禮二籍履以親事三借民而治之所言雖
殊要之驅天下之民棄求而歸本耳且古者謹察天廟
申赦陽官田之不闢辟在司寇作爲御廩鍾而藏之其
故何哉以爲奉薦粢盛非無良農不如親之愈也課督

耘耔非無猛制不若勸之善也夫祭莫大于備物物備
而百神據之兵莫大于足食食足而四夷懷之人莫急
于豐財財豐而有生聚之是三物之濟否在此舉也且
周宣缺之戎軋其衰漢文用焉民阜其宜唐后勤止以
豐易饑洪惟太宗光迪于前陛下述宣于後皇矣同底
于道烝哉不隕其聲方且九扈勤民三事就緒儼儼其
盛陳陳相因糧餘可棲草殖弗與民一于耜家萬斯箱
遂駕五帝軼三王奮甘實而摠馨香也敢作頌曰
倬彼鮮原帝藉于田匪藉其勤我爲民先悠悠春旗覲

土于畿陽膏澤澤邁乎三推有壬有林亦莫不祇我疆
 我理載耘載耔實苞實阜第歛豐草田畷至喜祈年伊
 早我穀用成我倉既盈我倉耽耽鍾于東南其用伊何
 事神薦馨為酒為醴為粢為盛蒸之浮浮釋之溲溲上
 帝居歆降福孔休降福伊何我民既蕃室家溱溱三事
 不諼食足武奮震疊爾功蠻夷來同罔不率從帝猷昭
 升式于九圍兢兢業業以茲萬幾在豐念置在飫思飢
 子子孫孫勿替引之

陽郊慶成頌

案仁宗本紀景祐二年十一月乙未祀天地于圓丘祈時為太常博士此

篇即其時所作

臣某言臣嚮者幸得以博士奉侍大祠清廟圓丘恭導
 升降伏見陛下接神措事飭躬備物靈應夙夜如不敢
 康至誠上通靈眈如答輦出殿幄而瑞霰先塗齋款宗
 祐而祥飈迎輅景至之夕步自帷宮改衣雲散登壇月
 皎收戢凄凜照如陽春旂無蕩旂燎無搖景已事還軫
 官不告勤三靈洪洞交相為慶滌穢蕩瑕納于昭清此
 則上帝所以顧諟陛下所以欽奉天人之際不為遠已
 臣親覲盛禮昧于知量輒訂詩人之義作陽郊慶成頌

六篇義大詞福無以游揚萬一庶幾偃童謡漢擊轅慕
韶之比竊用繕錄冒昧以聞
瑰宮朝景靈也 屹瑰宮帝下都君來饗六龍徐羽籥
羅金石揚儼然進薦嘉觴靈之歆肅陰陰徧觀此愴羣
心既安坐唵青黃紛上馳爛遺光資孫謀永延長

右四章三章章四句一章六句

我將裸饗太廟也 我將受命于祖于宗洞洞翼翼物
有其容物容備矣帝心嘉矣有壬有林駿奔走承事夜
如何其我不敢寧萬舞洋洋九奏備成燎薰以裸復降

在庭毛魚竝進亦有和羹帝酌而獻工祝善詞優然如
聞孝有餘思神飲我福弁胙而餘辟公亞薦就幄以須
禮成七祐不敖不踈徂來于孝嗣福祿總總純嘏以溢
我受而施之駿惠丕承寶我大龜

右八章章四句

枚枚祀奉慈也

案仁宗本紀景祐二年詔奉慈廟遷莊獻莊懿廟于莊穆之次故此云紀奉慈

枚枚闕寢三妣厥靈以肖柔惠

原本缺三句但簡不干有

鏞盥而又薦我孝我虔物以志誠不在牲牲貳簋

嘉止百福蕃止無不或承以保我天子

右四章章四句

嘉壇合祭天地侑以祖宗也 熙嘉壇兮泰尊藹竝饗
兮坤元祖與宗兮侑純嘏百神服兮壇之下千枝列炬
紛秀華微風蕩漾月金波樂遵奮物金石和帝造新曲
揚清歌鬱華聯案醪品醇馨聞既達割血陳黍豆甘實
炳蕭森壁精粲粲琮黃煇三垓升降玉銅鳴裴回常羊
延上靈至誠感通對殊休諄勤此路符所求燎籠盤空
幣煙舉天極餘歡篤純祐紛紛六幕雲施普

右五章四章章四句一章三句

南闕肆大眚也 南闕爵述天翠華此臨馭靈心交胖
蠻鴻恩思慶豫瑤毳上雞竿籠童下鼉鼓翠綉儼康至
精按軒霞舉比屋篔簹予后婆娑聲載路滌穢天瀉波崇
朝解爲雨束帛勞衆士三錢發中庫下蒙不貲惠止錫
無疆祚俾壽萬斯年南山均鞏固

右一章十八句

垂鴻受藏冊也 惟帝垂鴻法上天推名讓德紀初年
溫瑜祕篆金騰聯涓成吉日膺鴻冊申羽刻商諧樂石
冠劍相趨紛動色帝徇羣心答天意珠旒粉袞拜容備

丕休顯號光神器功躋皇王黜雜霸不自矜功無滿假
翼翼虔虔對天下

右四章章三句

明堂頌

頌作于皇祐二年本紀所載祀明堂月
日俱與此今時祔復為翰林學士太常乃

其兼
官

臣某言三月戊子制詔季秋有事于明堂臣以太常與
禮官博士詣垂拱殿議配饗事卽建言周有臣曰旦始
嚴父配天仲尼是之唐并諸儒說並祀六天帝不敢損
陛下幸訪有司請如古便四月乙丑詔若曰夫禮稱情

適文今議者言周唐則善至牽制所聞編而不優宋亦
一家讓不制作如來嗣何且事天不及地配父而遺祖
朕甚陋之水旱不時辜神預焉今賴天之力方內以治
朕能合饗天地以三聖侑服報百神咸秩並修况祖宗
郊雩不為無比有司無諱以勞務稱朕意臣伏誦聖訓
久乃開曉以為前古所缺羣臣不逮陛下獨得于心其
所以事神訓人使萬世子孫無以加者至于作聲歌琢
圭邸帳帟無文夜鑿弗嚴以竭恭敬者尚數十物臣
愚且不能徧知若今詩頌不傳是陛下盛德神功不盡

注天下耳目聳動四夷聲隱乎無疆也謹撰成明堂頌
一篇辭淺義直可使戶曉壤翁轅童皆得歌謳臣昧死
再拜以聞頌曰

天有明命以聖付聖太祖太宗燮代大定誰僭而王孰
而土左披右攘罔不就緒厥角在廷四夷無侮真考
顯承受報收成休休厥寧震震厥聲七十而五號以大
榮皇帝纂武有庇于下兵擐不銛箠委而羽一農之饑
吾餉以哺一夫之寒吾暖以褚日寬租徭歲貸囚庾協
氣四薄順賜若雨原高隰下百穀膺膺二十九載惟秋

九月西卽大慶度筵度室寶宇署頌震照多物置使有
五悉詔輔弼既款靈宮亦享廟祐天兵桓桓羅列衛營
有關有存龍輓螭衡耳耳其驅雅雅于行旖旎連蜷風
舞雲縈士若銜枚驂牡不鳴吉日辛亥進祀于堂衣畫
袞然環瑤瑋瑋六帝二祇三后侑旁醴淳牲肥嘉樽鉅
房芼醢果菜淨潔芬香膏熾胖升以迪厥嘗我鐘飲欽
我舞俛俛天妥于坐百靈來序奔精哆光召霍層宇山

靈瀆怪顯幽馳騫或旅諸桴或席諸麻

案此處疑脫一句但文鑿亦同

別無可致有羶斯飫相維辟公既敏而度帝拜稽首柴

煙上舉祝有嘏言皇帝受之產百斯祥哀萬斯禧其蠹
如山其積如茨皇帝曰咨朕不專有旦御端門百執奔
走其赦天下新邦之舊賙乏錄勞刮濯痕垢官賞兵賚
金爵是富驛歡四海間弗容晝天謂皇帝感實火德火
德在孝宗祀惟極其還而功卹嗣千億而子而孫長有
萬國天謂皇帝安我羣元投蟬斥螟稼溢于廛厲訖疾
攘人樂蹶蹶皇帝眉壽永錫萬年前祀三日區霧如閉
皇帝旣齋一夕而霖六幘掃除若墟逢華天清地晏夜
皇騰晰皇帝小心恭與虔并徧見神祇拜跪送迎久立
于次須樂之成器必金玉牢不愛牲制爲諸安以正和
清夜鼓徹嚴敷致厥誠明明皇帝惟先訓是式惇睦懿
親其磐如石存問韶耄容受讜直振淹登峻毋或失職
惟慈惟仁不厲聲以色皇帝有言克己則興豐守吾儉
尊捨吾矜惟日之升瞿瞿兢兢無不此承

尉氏縣呂明府創修洩水渠頌

神州之地積高于西北而庫下于東南尉氏直其坤隅
故上薄周疆側負鄭鄙汗瀆所蕩行潦所趨注我西偏
匯爲大浸異時縣官徃徃募民開田渠入之惠民河自

江以北溝漕總目為河

因灌淮楚人雖在勤水不為害太平興國

初或建言惠民河瀕尉氏折東而北地泐墊漏水多壞

決迺西竝崇岡更開新道長隄右移眾渠咸塞于是水

無所洩則沮洳淵淪鍾為回淵每水潦不時必壞官亭

漂室廬害膏腴之田千百八頃其大者則韓溝護軍二

陂以名自達輪廣三十里他脈連股引延緣葦間溝遂

之小小者尚數十百所匯民厥壤邑吏選奕蔽不敢聞

歲趣其租人用重困蓋水留四十年狎為常玩事窮而

復理固然也聖上初元之年大理丞呂君長吉始為政

于茲邑既視事即按行堤闕周知其要乃嘆曰河漕中

都堤不得弛陂盤善地水不容止潰陂注河則舟廢繕

河限陂則農奪長吏不謀士其魚乎于是度楊橋之北

累石編木以為竇口規引積水潛出河下東因廢洳行

七十里與惠民下復合水有所放漕亦無停君即伴圖

上言于計便甚事下丞相府復詔中貴人段微明與寰

內察按使者李識張君平等興作水工覈實程員無慮

用材五百章磬甃數萬膏堊稱是工四千人度三十日

罷條陳中覆悉蒙可報明年正月遣內侍臣譚好古領

罷條陳中覆悉蒙可報明年正月遣內侍臣譚好古領

走護作君參掌焉衆以子來匠以心競任器成雲環材
岩林不怠不徐如期而畢以佚道使人故也二月渠成
水下灑漚轉騰曼羨紆餘灑其沈災導其流惡數旬而
牛馬辨經時而桑田復是歲耒耨所刺排水澤而居者
蓋以大半三年水涸地沃畝率收一鍾流庸還占參倍
于舊過是而獲者則不書矣于時和氣綢繆闔邦如春
繞爲景風結爲油雲終古沈斥一朝茂殖昔之勞人今
焉樂國夫善防者水廢之善溝者水激之因地則氣不
壅達變故民不倦惟呂君畢給政術舉無後艱肆水之

走下而奠其歸乘人之曹好而興其利縣令之任今所
輕已君而重之做政之收衆所難已君而易之探古舊
章圖我新政復地力阜財用民饑不愆神精可懷禦菑
鍵蠹莫匪嘉績朝旌厥能秩君宮坊大夫佐郡二千石
民去思者八歲矣穀益以殖年益以豐億萬之口并蒙
厥福旣而邑之耆耄雜然共計曰呂君功緒章章在人
其可歌也盍琢金石以鋪其馨香予從事于斯文宜倫
次輿誦而存其梗概頌曰
天畿之南兮下田良壅流弗洩兮漂我疆地環萬井兮

原其谷歲踰三紀兮租弗屬我有賢君兮來何遲累磻
 疏竇兮河之麋注潢引汙兮渙東湊鮮原粳粳兮農其
 耦水反歲定兮黍稷華稠載斯箱兮紛滿家去我茲久
 兮田益庶手之足之兮聲在路何以報君福穰穰明神
 所勞邦之光樹樂石兮渠之旁攄德音兮永不忘

景文集卷三十五

景文集卷三十六

宋

宋

禘

撰

今日

表

太常寺進案到鐘磬一部表

臣聞鳧氏之為鍾也已厚則石已薄則播故以弁侈之
 量齊焉磬氏之為磬也上則磨其旁下則磨其端故以
 清濁之法制焉是則器先利而音調民已和而樂應禮
 著夏歌者實先于人奏詩次商頌者本依于磬聲然後
 奮隊飾情統同布度盡韶之美黜武之慙諧下管以九

成絢崇牙而四合聖期累盛至範交修恭惟皇帝陛下
攷古立均披圖迎律大猷翕作韶象嘉成推至樂以求
音本乎在治顧攸司之合奏容有失傳所屬以聞發中
垂可特頒明命俾攷正聲臣等共率愬冥仰祇推擇昧
阮咸識微之妙非文收調啞之能淹久日時咨求典故
方且校堵肆之全缺參宮羽之重輕或鑪其銑樂均疾
舒之所在或鑪其鼓股取擊拊之有宜曩惟周臣肇營
律準張絃列似代管還宮居有雅音取爲定法今已攷
齊鐘磬一部與律準之聲悉無差異七均有叙九變告

和詘然能終純如可縱惟夫金有大定之德石無可轉
之文苟二器應以克諧則八音受而爲度上符丕律有
煥懿綱竊惟真聖之朝已嘗修正雅樂舊章故在年所
聿遷遺我成規以啟淳烈況今穆清多裕聽覽餘閒幸
得樹羽充庭瞭人肄業慮治音之有誤巧善聽之所裁
庶使靡靡遺聲不容于五降愔愔王度來格于三神永
示方來以矜能述臣等無任省循干冒激切屏營之至
其鋪磬謹隨表上進以聞

進藉田頌表

臣某言臣聞王者必藉千畝庸勸九農載御耦于介間
脈陽膏于廩左借民之力時闢于甫田爲神之倉歲儲
于馨稷睿明在御容典交修茂遵文祖之規遂庀陽官
之舊恭惟皇帝陛下菲衣訓儉重穀教人乘春官之載
陽按大田而惟正追循先烈祇展上儀綴萬騎于中營
抗九旗于先道農祠訖享神甸就耕服黛耜以天臨紆
朱紘而身勸本宜一墾遂過九推揭丕律以自新冠前
王而絕擬自昔車牛馬耦僅出偏方鉤盾弄田罔稽正
典訂茲之盛曷擬于倫臣陪列祠宮宿官道宰竊興盛
禮敢廢徒歌願因風土之餘音少識樵蘇之談道謹夙
夜齋沐撰藉田頌一首干瀆宸扆

賀乾元節表五首

仁宗本紀帝生日爲
乾元節在四月十四日

臣某言伏以金魄就盈龍杓建巳紀爲誕節允煥休辰
盡日月之熙臨祝乾坤之悠永恭惟皇帝陛下膺符受
籙山震體元乘火運以興王生正陽之令月體萬物之
長治三光之庭俗樂成康刑措文景梯山航海咸知中
國之聖人就日望雲悉禱後天之遐筭臣滯守邊圉徒
詠聖辰阻奉萬年之鶴但極雙鳧之躍

臣某言伏以夏序始交月靈幾望儼明堂之朱軾式煥
帝容紀華渚之流虹用標聖旦恭惟皇帝陛下茂熙至
教遙駿先猷孜孜厥心則九功竝叙烝烝其孝則四極
爰臻混車書而極和塞天淵而浸福那歟之盛尚矣罕
偕屬千載之應期固萬靈之輸貺誕彌有始延祝同寅
九賓在庭殊鄰拭玉如山之委擁漢瑞而勿休侔天之
剛冠義圖而彌永臣離邦未幾荷寵鼓深但傾景于葵
園阻稱觴于冀圯

臣某言伏以節出紀乎震方聖生符于里社揭爲亨會
以雙洪休歷古爲儀迺今尤盛惟長羸幾望之旦實丕
后厥生之辰嘉序標名歡聲綿宇恭惟皇帝陛下奉承
基構精厲憲章嘉祐順乎天時羣生庇于上德飭躬必
儉令下弭奢侈之端禦戎以和納民于仁壽之地化孚
無外恩浹有知每電樞之及期徇露囊而飾典大爲和
會廣給宴遊摛笏相趨交修于鉅禮呼嵩爲壽均祝于
無疆慶運有華萬靈胥抃臣向陪近列今退私閤苦齏
膳之不良隔班綬之序進姑勤丹悃永固熙圖
臣某言伏以夏籥啟和辰躔幾望本聖生之初且著天

會之昌期令節垂鴻縣區交慶恭惟皇帝陛下丕承寶
序駿惠先猷萬靈接乎馨香羣氓舍于仁壽撫不羈之
服未始加兵獻又新之銘居常待旦化含無外恩激有
知每屬電樞之辰胥抃露囊之舊大披路寢普見羣臣
執玉奉觴罄歡心而如一後天緬月續景算以無垠震
動休符昭明鉅禮臣向陪禁闈今滯侯藩溯昕景之鴻
階隔王官之鳧藻姑勤抃祝永固熙隆

臣某言伏以帝出紀乎震方聖生符于里社揭爲亨會
識乃洪休惟丕后克生之辰當正陽幾望之旦萬靈輪
祉九寓祝延恭惟皇帝陛下膺赤伏之祥據綠圖之會
天付所覆罔有不臣世貽厥謀用侈斯慶掩刑書以幾
措歛威械而就囊物無天傷俗致仁壽謝生靡所名德
無階是用企電樞之期相與徇露囊之典式披瓊館或
叩金祠括輿地以投誠後璇穹而歸老呼韓薦幣夷獠
奉珍雖舊而新常茂居安之業俾萬斯億永膺昌大之
期臣久服內聯今乘邊候溯君門之萬里隔觴會之九
行姑抃昌辰內翹歡素

正旦賀皇太后表

臣某言伏以上朔攸開微陽肇布蒔月冀而頒歷旅星
柏以陳觴恭惟皇太后陛下教本至柔道孚俾熾贊天
元而布度包坤順以蒙禧方屆端辰彌昭景祐臣違顏
左城假節東侯阻陪觀象之趨但結干旌之思

長寧節賀表

仁宗本紀天聖二年正月
以皇太后生日爲長寧節

臣某言伏以玉燭開年協風播序寶月上弦之始祥沙
啟繇之辰著令有嚴多儀云備恭惟皇太后陛下秉文
駿惠襲道至冲肇百度之樞用孚有極慎五刑之誥乃
統至慈皇矣而荷帝觀隕然而示坤簡屬茲善旦爰紀

聖期訂千秋之舊章擁三靈之丕祉當陽稱壽于以教
孝于人列辟相趨于以後天之算并包無外蒙被大禱
臣久濫邇行近分優寄睇日升而增禱參鼈抃以無階

賀壽星見表

秋分謹候旦見爲常惟明潤之成文告壽者之介貺允
丁至治丕應祥躔恭惟皇帝陛下駿惠先猷寵綏庶物
敦仁而用錫爾極深拱而洞測其名訢合三靈震動殊
祉爛焉南極之宿載于太史之占視弧之前踞內而出
騰華緯表鑠景天垂繫見象之甚明屬攸司之奔告聖

期開賜諒增千萬之遐皇格重雍方闢一平之盛仍咨
良簡俾獲信書臣等親邁嘉辰榮觀美瑞內循歡悃實
倍常情

賀冬節表

臣某言伏以寶典綏長盛儀杓亞步璧珠而聯景挺芸
荔以參萌恭惟皇帝陛下執競是皇纂圖惟大澹冲猷
于堯屋懿新德于湯盤協氣順躋慶辰昭會方薦恭而
欽燎式擁端以如山臣逃守五符阻陪萬玉注遐情于
望鵠羨餘抃于歡釐距陌于茲選言非喻

賀生皇子表

案皇子即鄂王曦時係
慶歷元年和在壽州上

寶祐叢休天支毓秀慶騰祕禁歡溢中區恭惟皇帝陛
下受命溥將凝圖丕赫權綱相又根乎克念之虔簡素
所安表于不勉之懿且復欽刑薄賦重穀弛畋一方少
饑則急馳使節方金稍乏則輒續禁錢民用靖嘉神罔
恫怨是以上帝歆佑三后顧存詒美孫謀昭衍無疆之
烈歸功元首茂啟多男之祥誕協仲商挺生哲嗣星弧
具禮天第交華惟翕闢之儲英固覃訐而絕異逃聆詔
諭竝仰獻儀薦芻相趨忭吾君之有子球璋流愛宜天

下之繫心臣始去近聯遽承吉語賡歌緜陔早知周德
之遐參祝祠禱罔逮漢臣之幸

賀南郊禮畢表

案仁宗本紀慶歷元年十一月
祀天地于園丘是時禋在壽州

臣某言今日日馬遞到敕書一道以南郊禮畢大赦天
下臣當時集本州官吏軍民宣讀并下管內諸縣寨施
行訖者帝儀訖饗朝渙推慈飛驛疾傳庶邦叢慶竊以
天郊之重國制有常凡萬乘躬行必三歲間往不煩不
怠由列聖而持循以妥以虔合諸神而復對睿圖累盛
禘典勤修恭惟皇帝陛下纂大合華漑中布度抵金璧

之玩率儉示人收霜電之嚴措刑于下克勵明德格于
皇穹交熏太和冒我羣品顧懷時億瑞應日來亟歲上
儀若祇舊典戒期百執頒詔九州曳雲罕之常羊服翠
蚪之半漢殊庭一獻清祐徧躋遂自陽靈之宮往會天
元之旦羽旄四合垓陞參登上璧左琮之華合祛而信
祝祖蒞宗題之次更侑而迭嘗拜嘉胙于席垂烈欽柴
于雲表靈心合答熙典備成然後還坐中天之闈聳肆
隨風之澤改頒大號崇冠初元昭神之祥祈命惟永賞
功赦罪已責逮瘵咸與惟新牖民衷而遷善聿懷多福

導帝社以縣區盛際有光彝倫咸賴臣嚮觀舊史殫見
往朝或不愛牲玉為恭殊非明薦或所過租賦為復蓋
出重勞語昔罕全訂今絕擬所恨清塵在望自苦周南
之留紫橐仍持不與甘泉之從第班恩諭均浹歡悰

定州賀南郊禮畢表

仁宗本紀係
皇祐五年事

臣某言今月八日馬遞到敕書一道以南郊禮畢大赦
天下者臣當時集本州官吏軍民宣讀并下管內諸縣
寨施行訖嚴燎燭薰翠輿旋軫慶騰觀魏歡浹黎苗竊
惟報本以誠莫尊饗帝就陽而祀是謂因天有國以來

三歲為法合萬靈而膺享窮四海以職來乘茲治平用
舉能事恭惟皇帝陛下丕承正統奄治中區惟古與稽
有典咸秩既揚詡萬物乃嘉享三神前會諸儒討定新
樂俄頒制詔悉侑聖真謂周以后稷神郊祀而忘考唐
引睿宗配地親而未尊參對上神自我為古推處大孝
卓冠彝倫爰卜景至之初克申躬見之禮三后居左自
外止則匹行兩儀位中山天明則地察疊豆惟旅簫石
告諸祓馨德于神衷委純祺于霄極萬乘淵默百禮休
成茂對剛辰用肆大眚揭日破葑注海濯癘纍係有更

生之歟廢錮得自新之路賞幣丘垤屯旅漢鳥歡驛疾
馳不崇朝而徧羣心保合置天下于安臣適護窮邊阻
觀鉅典惟軍旅而未之學久塵攝帥之行知鬼神之所
以然方隔受釐之間姑宣上德明諭遐眚

賀日蝕日降雨表

案仁宗本紀至和元年朔日庚午日有食之或祁在定州因雨

不見

臣某言臣所治定州并轄下州軍去三月二十九日雲
氣晦暗至今月二日午鼓降雨盡酉刻未止及尺以上
屬縣告足臣伏尋近降德音以有司言朔日日當食有

詔避正殿輟膳改元示天下自新引咎太切三靈震動
重陰蔽霄日景不見夫不見者與不食同臣誠喜誠忭
頓首頓首伏惟皇帝陛下纂成四葉憂勞萬方日月祗
惕罔有懈忽辰晷回薄大抵有常今近推變異厚自克
責天監在順神佑者謙感無旋且轉祥為福前此六月
不雨麥禾枯悴及茲滂沛遂冀有年天完太陽地茂多
稼君道尊安旱災訖息敵使在道親覲感應震畏盛德
抑伏奸謀上推古昔無今倫比臣乘邊在遠不獲與羣
臣稱慶闕下謹奉表陳賀以聞

定州賀聖體康復表

仁宗本紀係嘉祐元年事

臣某言今月八日得進奏院狀報聖體康復已于二月二十三日御延和殿親見羣臣者六氣順宣偶愆常裕萬祉交薦施舍太和便坐天臨列辟鳧藻恭惟皇帝陛下躬甚盛之德繼下武之期悉攬權綱罔憚宵仄百度已治舉器而置于安一物未宜無災而爲之懼聽斷逾勵頤攝稍愆仙劑暫嘗客疹俄解前頒曠蕩之澤造會清明之朝帝祐神扶陽熙玉色勤在謀始雖有強不息之勞福及報成方介萬斯年之享均乾宏冒與日長躋

臣忝服近班欣聆吉語且念處無爲者當簡于事謂沖用者莫嗇于神望畧繁幾永光丕祚

代中書乞降御製詩付編修所表

伏以國有大事所以訓恭帝庸作歌是稱盛德況且鋪棻天藉頌嘆慈闈宜首信書以傳不朽恭惟皇帝陛下勤宣衆甫祗建大中澤浸有生誼柔絕黨遵端拱之舊惟永樂之尊教必有先爰勸農而勸穡古由我作不愛禮以奉親誠動天淵聲震金石因紆寶表申述盛容據體要以成文包猗那而同美臣工賡和方夏敷聞華日

月以昭回被風雲而翔舞臣等職當細績親覲文思聖
典不昭攸司任咎是敢仰祈副簡垂錫書筵揭爲大猷
俾永鴻烈布之天下遂抗于堯言藏在名山永光于漢
策其御製藉田禮畢及觀皇太后恭謝太廟詩共二章
伏乞降本付外編修

代進新稻雙竹詩表

伏以層城仙藥順動于王游區稻町篁紛函于天施仰
邇中召與覲嘉生奉衢飲以屬厭激蓬心而感發恭惟
皇帝陛下勤勞訓道閒豫凝神聯漢氏之離宮有周家

之靈囿特侔滌浸臨籍香滋務知五稼之艱式扈九農
之勸箭筠其茂睢苑所珍強籜挺敷秀莖岐出本至仁
之普汜萃靈物以旋鋪警蹕紆行臣隣拭目樂崇丘之
允殖藹折俎以均施內荷帝慈竊推天意一禾實穎準
歲取之且千衆節共苞示世支之維百臣等共慙禱昧
適遭亨嘉敢抒費詞少陳大德慶千齡之累盛維以遂
歌慙五降之容彈安能中雅方塵睟覽交集覲顏臣等
謹夙夜齋沐各課成親稼殿新稻儀鳳閣雙竹詩二章
干冒宸嚴臣等無任省循狂斐慙懼屏營之至其詩謹

繕寫隨狀上進以聞

景文集卷三十六

景文集卷三十七

宋

宋

祁

撰

表

謝改待制表

案本傳祁次當知制誥以兄岸方參政乃除天章閣待制在寶元二年十

月一

臣某言臣伏奉制命特授臣依舊充天章閣待制者命發于中擢非其任懼先褒集感與愧參伏念臣早以意冥陶于文教在阿蒙育易仕代耕由薦曠以應條齒經生而挾冊提給尚書之禮升直道家之山間屬成書亦

景文集 卷之三
蒙進秩不挹漿而持斗舉畏叨名未司牧而逢祥居慚
何力仰含天造未委官刑狼濡墨于臙幻兼倅籌于鹽
筴清光在望更無咫尺之違至治丁辰時紀殊允之事
內修幸會疇敢越思迺蒙皇帝陛下錄以芻微記其狀
貌真行獎數超寘邇僚弗緣左右之容特出顯印之眷
披霄延澍破滂回光惟寶閣之神深祕珍圖之襲積劄
爲美秩庸竚惇儒寧茲僕遯之才可重清閒之地卑微
驟列辭控無從昔之待詔承明陪游金馬無聞定著尚
詫榮階詎比亨嘉之辰專爲顧問之選第驚茲授偶值

無庸謹當佩訓自強飭躬思勉馳無泛駕雖千里之難
期益靡望天冀一心而論報倘施涓盪敢吝靡捐

謝賜金紫表

案表內有屬司容局云云當屬刑爲待制判太常禮院時事

臣某言今月九日蒙恩改賜臣金紫者戒塗近對綬品
更華祇佩寵靈內深榮煥伏念臣行能無算孤拙自知
振鷺珍羣居慙造羽太官美食遂嘆浮人久含藏疾之
慈未獲酬恩之所屬司容局面控感懷俄被句傳曲膺
蕃錫袍文染莫魚飾垂金服不值庸忍慙于安吉力微
稽古貽望于儒先還綍無從光軀何幸斯蓋伏遇皇帝

陛下重隳常體業置邇聯特假身章俾隆官等庶奉禱
如之賜益圖蓂爾之酬

壽州謝上任表

案本傳祁知壽州卽在庠罷
參政之後爲慶歷元年六月

臣某言伏奉去歲六月十一日敕書差臣知壽州軍州
事兼管內勸農使卽于今月七日到任禮上訖初違侍
橐出總州麾地控翰垣政兼民稷引章揆寵處閣知慚
竊念臣本以孤生仰陶上教措辭簡斐少不名家投策
猥并遽叨署第用沿仕牒寢剽宸猷匪智也愚自知其
天分謂多而拙罔待于人言朝不汝瑕誼無過廢料于

未至靡有先容次補者六官乃正臺郎之秩內遷者四
職遂玷從臣之聯朝夕參承歲時賚予親逢云幸平進
罕階故嘗晝昃亡餐夜分置寢算勞念得則微橫草萬
分之勤計過悟非則有坎檀一介之刺內訟左數寧舍
靡遑昧死聞陳乞邦自試書下丞相之府久已見俞筆
閣承明之庭茲焉獲遣洪惟盛世慎擇長人申勗表乎
詔文共治形于宸歎俯循極陋曷稱敷求此蓋皇帝陛
下善育人材勤恢教職謂屢經于策勵審一出于忠愚
特委細文俾臨善地況楚疇沃衍淮產夥豐潛聖作藩

國封攸啟元戎疏鎮帥節甚雄憬彼東南此實都會臣
敢不悉心庀務安節首公宣論本朝之恩刺候斯民之
瘼冀逃諉事姑服彝箴但念夙侍軒墀未嘗去國自同
犬馬寧不戀君魂棲交戟之嚴心結觚稜之邃儻使賜
環仍在踣履終收則奉計來朝敢三年而憚遠省躬論
報雖九殞以猶生感惕自中涕洟橫集

謝書目成加階勲表

晁氏讀書志崇文總目于
康定二年告成神亦預修同

臣某言月日進奏院遞到告敕書各一道將授臣朝散

加階勲是年十一月改元慶歷康定二年即慶歷
元年表內有中請為邦語是神時已出守壽州矣

大夫依前官加輕車都尉封賜如故仍放朝謝者祕錄
終篇鴻都第賞例需微數垂料餘勤授受交虛榮憂兩
萃竊以廣內之奧中經所藏自四聖相承凡七紀而遠
積丘山而盡在糅朱紫以未分金匱深嚴牙籤叢外攸
司傳失有詔部分疇簡名才總製都目體漢家之流畧
慨見所從參史氏之藝文種分必類討論既定統紀悉
周而僚輔他遷纂修交集臣猥緣懵學俾預末行素自
憇冥動吝典領雖片詞殘牒時竄左文且雜語諸家尙
悉全載訖慙敷職中請為邦遂專刀筆之煩益忘緹油

之習不謂芸編卒業黼幄程文嘉衆籍之有條美諸儒
之競力因褒邇列施及孤臣聯文散之近階賜朝勲之
優轉揆榮至渥撫己無堪闕筆居多早戢鍾繇之恨殺
青偕上敢叨剡向之功汗漫不收天高難訴但能銘于
肝膈或論報于涓埃愚疑不誣明神是質

謝加階并爵邑表

案仁宗本紀慶歷元年十一月
郊祀加恩百官初時在壽州

臣某言今日日進奏院遞到誥敕各一道特授臣朝請
大夫依前官仍封臨洛縣開國男食實封三百戶勲賜
如故者緡儀交展信賞第頒緣策從勲汎霈異數罔功

被貶尸寵蒙慙竊念臣本以尋羈誤膺識拔雲章乏使
荷橐見收束帶而奉朝趨居常三省戴盆而仰天極決
匪兩能止竭樸愚以圖稱報寸勞未効公議過與出屏
近藩尚通秘籍適會于郊之享爰修以職之虔法有侍
祠雖預甘泉之簿身方守土遂阻玉關之歸員結戀深
心馳魂震迺蒙皇帝陛下廣歆馨之福推舍爵之仁疇
庸以差均澤于下眷孤臣之補外助經入而有常錄此
餘勤沛爲慶典進階越等啓土肇封聞命若驚修顏罔
寘且掃除奉引未始請行而於穆猗那無從抒嘆坐沐

光榮之集例承深潤之褒難拒大恩姑銘丹臆儻云酬之有所誓至殞以無忘

陳州謝上任表

續通鑑長編慶歷二年右僕射張耆以魚周詢奏于七月丁亥判

陳州九月甲申徙壽州香自陳徙壽故祠自壽徙陳

臣某言月日進奏院遞到敕書一道就移臣知陳州軍州事兼管內河堤勸農使許辭謝取便路疾速發赴本任者睿慈垂濟羈僨見寬許停遠方俾守近屏拜命云已感涕交沱臣卽以今月九日還付故章假領新節恭趣便道同敢畱行以二十五日到任禮上訖眷茲宛丘

陪邇京邑管周寰內均漢右扶岷俗敦龐闖盜稀簡臣旣與吏民相見卽告以朝廷撫育之厚鄉縣期會之常最厲惰勤整比綱目況穀食豐賤閭里阜安儻謹奉條稍畱考課雖臣庸賤保致靖嘉伏念臣比荷簡求擢在親近業以狷直初無援私寵靈設加倫比驚媚臣亦知險塗易躓孤枿難林尤避譏嫌居常寢默冷司閒局自分歲時寸劄片文不干臺省冀緣謹敕弗累採收然飛語無根狙殼潛擬倏違法從外典守麾倉卒去都靡違自辯間關居外誰肯爲言而譖不亂聰昧果蒙照未踰

再禩俄及內遷幽蓼賜萌朽骼蒙肉城闕在望頓比玉
關之歸傳瑞交華決非淮陽之薄抑臣又聞簪屨至賤
所收本乎君德狗馬何預所戀在乎主恩物誠有之臣
可無似敢不勉懦爲力旣力而忠竭肝膽之愚基分寸
之責生年死日質聖誓神疏屏方虔造朝云阻躬畱心
企感悅叢并

謝替赴闕表

竊本傳神由陳州還知制誥時係慶曆三年

臣某月日都進奏院遽到敕書付臣爲差宜徽南院使
保靜軍節度使王德用判陳州令臣候交割訖發來赴

闕者節音垂召詔底前頒弗棄而收釋憂爲忭拜恩匪
次戢感無涯伏念臣本以空疎誤蒙記識課勞未驗竊
寵已華遂自史員入塵禁閣水淺舟膠勢有必然馭拙
吻傷理無容濟果煩正議將責罔功伏遇皇帝陛下廣
覆由天至慈如父謂樹立之始實出羈平雖進擢以來
不由黨援排訾擯刻屈憲回仁俾千石以出麾促萬分
而自贖甫踰年律特改近藩墜葉重春推輞復載會須
輔鎮將授帥臣因得代還以圖收齒聞命歡踊撫己震
慙且念蕞爾孤生覲然去國長而多病衰不須年鬢雪

紛斑目化眩黑越在遐外積有流憂尚恐狗馬道窮先
填溝壑江漢天限無復朝宗敢期踣屨之餘倏被召環
之賜光華下集首領生歸威靈改加殞越奚報但念九
闕在望十舍而遙雖否運已傾決無終塞而清光可仰
敢俟駕行甫訖交符卽當就道欣榮參會澁訥難宣

謝知制誥表

表云三月詔書乃慶歷三年之三月也是以蔡襄除知諫院祗有制詞

見本集時祗年四十七故云臣踰強仕者六年

臣某言伏奉三月壬辰詔書授臣依前官知制誥者有
命自中無階中讓怔忡卽忝感情交顏竊以星署嚴華

是司書贊帝猷粉澤專寄彥髦故言之簡煩視人之賢
否比綸而演如汗弗收絢日星而森垂薄天淵而充塞
號爲盛選宜值難才伏念臣天畀以愚學陶所習本緣
薄技倫比諸生待罪文林薦紳朝笏預成六典見謂少
勤因得點筆夾階注言于左史前籌倅府商利于縣官
會臣兄某越自禁扃擢貳公府伏蒙皇帝陛下憐臣淹
久記臣樸忠方以避親尤難試可天語宣示台宰具聞
遽內交戟之深實兼待詔之美此爲異等絕駭常均遂
使羣議坐謹夸者陰媚得無忌克時免聰謀部屋夜脂

觸太陽而銷散幽萌朽枿託厚地以兼容迭為二藩不
 遠千里而賜環垂洎趨節生歸不圖誤恩復齒中禁荷
 寵惟谷捫襟若醒且臣踰強仕者六年廢辭業者三歲
 慮窮刀筆氣耗風波壯為病侵衰先老至任焉不稱謗
 又將興矧今鸞鴻造庭蘭蕙交畹檢之禹律絳以唐文
 慶霄光明萬物丹采安可細事管蒯廁之色絲簞揚粃
 糠先乃嘉穀撫孤生之匪次寧樂育之當然此蓋陛下
 先置不能以來多士罔遺篤物庸示至仁策十駕之庸
 駑班四戶之凝近上循感會俯視官箴敢不勉情為虔

拂昏于瞭浚明惟恪絜矩以須稍裨慎令之行冀免知
 臣之諉臣無任循榮林遇感惕屏營之至

謝轉吏部郎中表

本傳不載此職又歷代名臣
 奏議有慶曆三年邢為尚書禮

部郎中知制誥上三路防邊七事本傳亦不載其
 職今據表內誤直禁嚴及直徇郎臺之進秩云云
 似總在知制誥之日未
 授龍圖直學士之前

臣某言伏奉制命特授臣尚書吏部郎中依前充職者
 課咨歲比官得例遷華秋誤躋懼襟罔措伏念臣本緣
 羈遠誤直禁嚴病與生俱衰先年不問抱風波之悸實
 依山藪之藏牽勉拙艱婆娑歲月攸箴未驗不職應誅

敢圖公府之署年直徇郎臺之進秩報聞既允付外遂
行拜獎綽以驚魂躡華塗而抃股此蓋皇帝陛下天無
擇覆春不檢和謂陟明之格普頒且宿業之勤必錄遂
容孤蹟亦被優除謹當凜雪而煩彰施厥采和羊腸而
叱度觸雞雨以長鳴苟味是言有如茲日

謝龍圖閣直學士表

本傳以龍圖直學士知
杭州留為翰林學士此與後

一首皆在
慶曆三年

臣某言今月四日閣門拜受官告敕牒各一道除臣龍
圖閣直學士知杭州者層禁叨榮大邦蒙委恩叢非願

愧溢乃情恭以聖考上文寶楹胥構大開天策之藎分
置金匱之藏開召名儒入當清問因璇題之華構冠學
士之美銜罟為峻資罔非崇東如臣者器資樛昧學術
迂孱幸有親逢記無報稱四年待詔姑奉凝嚴之游兩
郡佩符不絀循良之目賜還邇著俾演大言扞格衰齡
疴綿宿疾胡廣不愆之舊動輒有忘左史能讀之書舉
皆未學茲焉弗職況也自知適會要藩慎求缺守宰司
誤啟制詔聞俞既籍內于神深又節假其蕃翰誼非輕
外治實責成目見河圖遂過宣尼之願名畱禁闥更無

汲黯之嗟斯蓋皇帝陛下續短于長勸能以否謂雖一
介自有鳴吠之專借曰萬分亦收涓埃之補庸加技拭
垂逮末愚敢忘夙夜之恩以忝身修之永神而可質心
不難銘

謝宣召入院表

右臣今月二十五日翰林書藝董皓至臣所居奉宣聖
旨召臣入院充學士者驛使猥臨天辭垂諭齒收單跡
引內禁林列讓靡從寘顏無所竊惟凝密之署誥命所
司朝選慎其咨俞士類託乎清切非有羽產之懿嚴徐

之才曷以對揚邇言傳爲成訓衍膏潤于方夏鼓竿簧
于典謨是惟能賢足暴公議伏念臣懦冥素稟蹇拙衆
知偶緣雕篆之微久被菁莪之育親逢聖誘自力攸箴
有事素風遂安所習向從青簡之列越綴皁衣之聯縹
組爲邦賜環上計入陪星掖祇演繹詞而扞格長年庭
勅槁質故疴新疹痊劇相尋淺學空文廢忘幾半間伏
蒲而自乞願剖竹以再麾遽沐俞恩仍遷近職天誘其
願人及爾私方具扁舟徑趨守屏不謂玉堂任缺寶詔
中畱還駭栗之飄危補持荷之空乏卻其訴避敦以恪

居旬歲內而三遷貫情涯而載惕此蓋皇帝陛下過循
虛譽降笏辱姿枉頒召節之準俾蹈高門之履斂躬圖
勉揆獎思酬誓以澡被蒙心繹求丕律體齊人之編棧
謹迪身修探義易之隨風慎裁憲令萬分可采九殞爲
期

謝兼侍讀學士表

案本傳祁從審官院兼侍讀學士表內云自去歲收還郡符是

時當爲慶歷四年

臣某言伏奉今月十一日制命授臣兼侍讀學士者命
由中發職匪次加揆寵自循無顏容愧竊念臣天賦愚

樸地託羈單去歲中收還郡符引內自禁以多病之後
乘早衰之餘昏眸眩于臨文倦于吐于論事而堯章煥
日漢律丕天形過照而自窮馭已鑰而必蹶方將免冠
頓首自劾曠僚託迹塵纓復從冗職何言大度併赦弗
聞遂令散木之流獲預複門之祕恭惟上德稽古至聖
多能當決事之少閒託不明而訪逮尤須練達上副咨
詢詎容孤生遽謬高選何以披文玉版擿句清廡覘師
尚父之書尊其爲道觀太史氏之策知所以王匪曰值
才居然過聽此蓋皇帝陛下愛同芻狗冒若陽膏方詭

效于寸長不殫能于再割遂令鯁質進爾清光誓且窺
管于天自涔而海漸識三墳之大稍知二首之疑俾免
多言是酬洪造

授龍圖閣謝恩表

案本傳庠復知政事罷祁翰林
學士改龍圖學士庠復參政在

慶曆五
年正月

臣某言伏奉制命蒙恩特授臣兼龍圖閣學士者停直
複門徒恩層閣本緣親而自乞蒙引籍以對除揆寵兼
常無顏容愧竊惟先聖有作叢構實興鬱律辰居之嚴
襲積霧圖之廣踵華創職稱是取材肇允榮塗何嘗輕

授伏念臣識局庸淺術學膚孱入忝玉堂間陪講殿徒
以樸忠無飾孤耿自將附湜湜于涇清守嚶嚶于雨晦
賴天燾煦曠目保全適以臣兄庠召自外藩復參大政
理所宜避地不處嫌稽首請閒素言敘懇丐上還干禁
籍得專侍于經惟伏蒙皇帝陛下見謂由衷特從換秩
罷茲要近處以清閒拂怡儼之塵容廕螭蛸之寶宇伏
況臣出入三歲便蕃五遷四叨學士之名罕見從官之
比雖素領焦禿病榦疋癘器極斗筭之容利止鉛刀之
割尙當勉懦爲立續短俾長倘有補于涓銖矢不忘于

價踣

謝復侍讀學士表

本傳祁以張貴妃事出知許州甫數月復召為侍讀學士表

中止停嚴直猶屏大藩曾未半暮亟頒成命正指是也張貴妃事在皇祐元年又慶歷八年五月序為樞密祁復為翰林學士此時祁當有一謝表今集內未見

臣某言今月十八日馬遞到官誥敕牒各一通授臣依前充翰林侍讀學士仍放朝謝者左符待罪方徹常箴中制疏恩遠還近職被前尤之註謬艷來寵之便蕃撫己銜榮無顏容愧伏念臣福祚單狹性局蠢煩距躍至愚坯陶土教因隨士夫之課謹修官學之方入直文林

進簪侍筆從鷄翹之游豫備虎觀之討論薦許為邦俄蒙納節序躋天掖祇演王綸再忝複門之游久奉華光之學至于刪定條約豫法家之議者三年整比京司牧縣官之財者萬計止貪云補罔避謗罵仍因適句之閒嘗逮邇言之訪質當今之謂利病靡敢庾情語前世所以存亡或蒙稱善以孤遠之質荷顛印之知播于傳聞寧無妬媚何者一金被賞來眾口之毀銷寸的取褒啓百夫之決拾名盛難處援寡易危况復因希濶之儀抵忘誤之禁緣為飛語遂免至聰所賴公議原情眷慈含

垢憫一眚之失義有相除在三赦之科愚最無害止停
嚴直猶屏大藩曾未半朞亟頒成命舉已除之籍復署
禁扉慎數易之宜仍畱州閣孤心按堵蹇步良行此蓋
皇帝陛下養以至仁納之大度忍令久棄俄與自新冒
陳慳以流膏破幽盆而逗照故綏更節足追露冕之矜
新組交垂遂免寒灰之辱況臣素探前載粗識大方謂
事君之盡忠不忘于外知獲罪之無禱有私在天水雖
折而猶東石可磨而弗撓謹當宣明厥守湔漑爾疵夙
夜匪告于勞淄磷不昧其節河湍日皎有如自誓之言

茲勅奉柔參服攸聞之戒獲收涓效歸報洪私

景文集卷三十七

景文集卷三十八

表

讓恩表

宋史仁宗本紀皇祐二年九月大享天地于明堂殿今據表內欽柴已事湛露函禋及進三品之美階加八柱之榮數云云蓋卽讓進封常山郡開國侯恩也

臣某言欽柴已事湛露函禋以預祕樞均推渥典席恩

徽之累等捫心極之有涯敢援前辭啟停蕃錫竊念臣

久塵幾緯無補顯猷仰就德以日躋罄小心而昭事悖

崇秩禮震動殊休歷款先祐而遂見闕宮哀對上靈而

宋

宋

祁

撰

升侑文考光華接于旦暮汪濊塞乎天淵內恧衰殘法
當侍從稽如進揖寧善于魯儀肅若動心但欽于漢端
獲紓不敏之咎已徇大庇之仁敢冀睿明首褒機管錫
之崇號訓以懋功進三品之美階加八柱之榮數靜言
匪服祗足增慙且夫禮行于郊孰非展案勲在于策斯
可歸勤苟曰罔功率爲不稱矧當三接之地尤寄百度
之宜寵旣自叨勸將何有伏望皇帝陛下矜立志之難
奪靡間于匹夫察過令而必收罔論于渙汗丐還虛授
庸息羣言叩善聽之彌高露危情而借極期于從欲是

免濫官

謝覃恩轉給事中表

臣某言伏奉制命授臣給事中依前充職進封常山郡
開國侯加食邑五百戶散官勲如故者休成恭祀恩賚
庶工錄臺蕪之少勤枉帝縉之平施進升官著申行侯
疆榮雖例加愧實中積伏念臣性分疏拙學習空虛逢
時盛明與衆倫比同塵詞著自抵禁條嘗從解籍之科
亟沐賜環之召老馬無棄姑結戀軒之勞楹木未殫已
辯代檀之誤專陪勸講彌邇清閒居嘗刻肌坐或忘食

以爲鍛翼方奮勢不高飛折足始痊誓無疾走冀保全
于脫節慚云補于厚恩會國家推攷上儀懋竣宗祀福
不專饗澤乃普頒眷餼薄之孤生忝光華之旅賁瑣闥
增秩望郡陪封追論講求之功適當容典之局禮有因
革皆中詔自覩其文議或糾紛故上心制定其當合任
隳官之咎愆階躡等之遷北盡皇帝陛下德暢多方仁
包有截和氣申律庶彙竝甄太陽垂光萬影同見遂令
羈宦豫齒褒章步區舍之重深食戶租之優富罔功被
賜誠無獨讓之階累日儲勞願補他年之最涓分可効

糜殞爲期

謝復兼龍圖閣學士表

系本傳補以祀明堂遷給事中兼龍圖閣學士今集

內表謝兩次必當時亦兩
次加恩本傳統言一耳

臣某言臣伏奉制命授依前給事中翰林侍讀學士兼
前件職者恩洗曩愆寵還故授緣榮得忭顧忝成慙竊
念臣識局蠢冥學機扞格久塵法從再直禁垣謬誤墮
官傍徨去國遽瑗之老何止于知非石建之愚自甘于
抵死永言孤跡俄軫上慈外停刺史之符入引露門之
籍用是晝分忘饋夜艾輟瞑收擢短才詭成來效報深

恩于骨肉掩餘誚于防川伏遇皇帝陛下修祀合宮均
 釐環海幸參圖始沆觀告成普賚侍祠例蒙扶秩尚念
 過雖一解職未盡歸再紆泥綽之褒仍廕霧圖之秘債
 膏沃朽破蒨延暉芟駕復驂漸習安行之謹傷禽已奮
 益懲虛墮之虞敢不祛拂蒙襟申尋典學服攸箴之訓
 匪懈厥躬有如日之明不忘于素消分可効躋殞為輕

亳州謝上表

表內云二月者乃皇祐三年之二月也據本傳及續通鑑長編和坐其

子從張方彥游出知亳州亦以不戢子弟為包拯所奏于三月罷相出知河南但觀和表宿疾繼作及難參法從願守外藩等語係因疾乞外放無為子引罪之語疑和知亳州尚在其子事未發之

前岸知河南則在其子事既發之後

臣某言伏奉二月詔書差臣知亳州軍州事臣即于三
 月二十八日到任訖潯陽舊里譙社勝區聯輿二京之
 間參雄三輔之亞長人如此銜賜無涯伏念臣學本迂
 疎性非通曉叨塵禁近久歷歲時惟悉心以事君不因
 回而取福居常歟分動輒省身正以所得之名多浮于
 實匪衷之服易用致災比年以來宿疾繼作兩鬢紛白
 餘日何幾雙目眩昏飛花無數難參法從願守外藩伏
 蒙皇帝陛下裁貸憇愚記憐面目申擇善地俾總化條

顧臣此州所領七縣盜賊數發流亡尚多所賴首麥向
 登膏澍仍降介農相怵比屋寢安仰惟清衷無及多軫
 臣亦早侍祕幄屢耳聖言以四方官力則和雖一夫失
 所為負敢不勉責吏事勤諭詔恩向冀刑罰稍衰手足
 知措倉廩向實禮節可興勉衰債之殘軀報光榮之誤
 寵違願方通結戀徒深

定州到任謝表

續通鑑長編皇祐五年正月壬戌知成德軍宋祁知定州與本傳

及此表俱相符合其成德軍到任在前年七月故表云甫及半朞更忝茲授也

臣某言伏奉正月日制詔就移臣充定州路都部署兼

安撫使兼知定州臣以二月二十五日到任訖由中被

詔益北護邊外循衰癘陰訟庸短強顏臨部捫感充膺

伏以中山之區河朔為劇作國垣扞壓敵喉襟高墉萃

而雲聯諸屯班以基置風俗質儉氣尚強雄從古以還

號勁兵處自四道分帥大將須才韓琦以舊臣之勞實

首茲選出入六載經營百為補綻成完斂頑就法聲績

明具綱條設張考課上聞居治第一伏惟皇帝陛下精

覈吏事留意塞防謂琦報政之成進易其地惟定代更

之重謹擇于人過聽腐儒俾嗣前具伏念臣稱自寒素

得廁班行所習簡牘之功不知軍旅之務比嘗出守止
 責親民故于歲成偶紆官坐自塵真定之擢遂總中權
 之華定命不可以固讓還遠戍不可以不才解徑趨所
 莅甫及半葑詎謂僉言更忝茲授官併二組地綿九州
 且臣自揆所能出羣臣之下遠甚潛計其齒去六十之
 年幾何論公則應黜乃遷語私則當聞反劇懼溢于喜
 榮弗蓋慙況此州遭水潦之餘困儲廩之積且食先軍
 足士以馬強今乃庾乏億秬之饒收微駮牝之衍賢守
 未辦況臣至愚謀夫深憂況臣淺識斗筭陋器蒲柳餘

陰倚以成功判于諉事然聞生者士所重徇義則輕兵
 者器則凶忘教斯怠臣既粗識前載數剽大猷雖旅力
 復弗強知忠孝在所尚當悉心細大自力宵旰奮練戎
 行綏育生聚有如緩急而可用曾是措克之靡加至于
 事當便宜物有長利奉上無隱據義固爭敢冀睿慈每
 賜裁赦乘郭在遠拱宁餘期心溯凝宸魂棲清戟

謝加端明表

本傳神在定州上禦戎論七篇册
 端明殿學士進論在至和二年見歷

代名臣奏議語敕在八月見本
 集轉端明殿學士謝執政啓

乘塞無狀增秩蒙褒賜予侑頌心顏交斬伏念臣才弗

振俗仕偶逢時備內朝臣十有六載學不足膺天子之
問文無以代王者之言遂圖外遷冀云少補惟定武一
道直契丹右廷咸平以來號勁兵處自夏竦分律四帥
韓琦始領九州節制中軍部分諸將琦既進律臣實代
居以一介懦儒當萬夫要任誼難辭劇奮靡顧愚然臣
所習者藝文未曉者軍旅用非所習雖勤而弗效責于
未曉故技有必窮用是再朞居無底績在法云殿惟黜
是宜迺蒙皇帝陛下憫久成之勞排彼譖之侈雖遠猶
錄謂拙可矜收雲閣之故資著丹殿之新籍仍秩經省

未易守藩叢沓徽章夸媵鄙邑重降嚴旨切卻讓封臣
亦內揆愚心旁諭公議若循禮疊請則恐涉不誠或固
節還恩又似規早罷不有粗使誰扞邊疆例格除音孰
尊寵數輒昧涯分祇服器名日三省以自營身九殞而
奚報但臣所念者邊務至重敵詐益滋得人失人繫今
日輕重知己知彼爲天下安危而有司特用苛法相撻
守臣類以生事爲解封侯畏怯不敢搥手倉庫虛乏正
可寒心建明累上而朝省未從姑息小虧則謗囂立至
況臣衰晏素自憊冥判無成功徒忝休命望審擇于豪

後俾臨統于方隅設張遠謀羈制驕狄因罄敷于感臆
竊附列于瞽言朔壘地卑君門天阻被符蠲謁攬綬知
榮

益州謝上表

案知益州在嘉祐元年八月到任在次年二月

臣某言昨被嘉祐元年八月詔書授臣吏部侍郎仍舊
職移知益州臣以九月解定州符印十月過闕下又奉
詔旨許朝見面賜訓敕自見逮辭凡一月卽乘驛趨官
以今年二月二十日領州事既見官屬卽徧詢問并病
利皆言稼穡蕃稔雨暘順時人安常業物無翔價吏下

如律邊尉弛虞事便于宜人重犯禁無逃與邇式舞而
歌臣身所聞見與言符驗伏乞睿慈少寬勤卹責臣治
理保致嘉靖伏念臣蚤蒙記識得籍近嚴惟知悉心事
君未嘗杜道從衆是以將賀而弔至未譽而毀從一去
朝聯四易藩守前日鬚澤變爲華顛向時彊力鬱已疇
瘁今又走五千里之遠委西南面之雄躡進華資冒取
豐秩斷斷之伎斯罄悠悠之言云何此蓋皇帝陛下翕
受庶工善養多士容螢助日收壤培山料錄冗微俾充
器使然臣愚有所稟志不可遷故直尺若尋自視無愧

食茶而齋罔有憚行況茲圖政之辰敢負惟良之委昔
 王尊一叱其馭便詫忠臣何武轉而上聞粗裨盛德臣
 于私事未謝前人假節方初造廷云阻叢感斯望臨文
 罔宣

謝龍圖表

案本傳和知益州還以包拯言其兄方
 執政不可任三司乃加龍圖閣學士據

本集西州猥藁系題云自嘉祐初來州已閱再拜
 其此時當為嘉祐四年和自慶歷三年知制誥授
 龍圖直學士至此已歷十七年至長內所云
 端明者各再龍圖閣侍讀者三今本傳惟其為翰
 林可攷端明則一見于知定州之日未詳其再龍
 圖則一見于罷翰林學士之時再見于祀明堂遷
 給手之時侍讀則一見于徙知審官院之
 時再見于許州復召之時俱未詳其三

右臣伏奉今月七日中書劄子以臣陳讓龍圖閣學士
 奉聖旨令臣依累降聖旨不許辭讓便令受告救者危
 悚數陳巖音三卻拒命難固蒙寵增慙伏念臣天俾蠢
 愚性止崖介時借其運實不副名然十七年中徧踐美
 職為龍圖閣直學士者一翰林端明殿者各再龍圖閣
 侍讀者三今又叢資累華併為異數當今兩制兼職皆
 不逮臣材劣衆賢而恩冠近列是以亟剖丹若上格詔
 文渙汗弗收匹夫終奪昔三綬為侈兩印自矜未若臣
 秘禁經筵寶圖重構銜置重複班級高華此蓋皇帝陞

下垂憐衰殘早經驅策因避嫌之請增通籍之榮卸鉸
廐駒稱服珍帶山岳施重蠓螳命輕論報何階撫躬如
隕

鄭州謝到任表

察和知鄭州在嘉祐四年四月

臣某言伏奉四月十九日詔書授臣依前官加龍圖閣
學士知鄭州臣見乞免所加職名候朝旨外已于今月
二十四日到任止事訖讓還劇使恩與近藩始冀避親
終成冒寵伏念臣器識迂暗年事頽侵前日護邊用非
所習向來治蜀煩不值能蒙賜代符進遷計職適以臣

兄庠冠樞近之秩參調發之繁誼不處嫌理容上訴果
沐中旨許收謫恩復以華資寘于便地陪京甚邇舉族
自安此蓋皇帝陛下大造曲成至慈善養釋臣多懼惠
臣更生臣敢不奉揚化條刻誦聖訓尚期寸效歸謝上
仁

謝加常山郡開國公表

仁宗本紀嘉祐四年十月癸酉大飡于太廟大赦

戊寅加恩百官初時知鄭州故表內有盛修合食及守土之拘等語

臣某言十月二十三日進奏院遞到敕誥伏蒙聖恩授
臣常山郡開國公加食邑實封者制出中天恩臨最品

捫躬匪稱拜命載兢伏念臣才不適時智非周物坐逢
 熙序歷踐華塗會國家追講曠代之遺盛修合食之享
 孝思上格臣職駿奔俯惟守土之拘莫預奉璋之助魂
 馳龍辰魄集鴛棕恭惟皇帝陛下凱澤一均至仁四被
 靡間孱陋例霑寵榮集超列爵之高益厚加田之目涓
 塵微効夙無補于聖猷穹壤殊私遽併膺于獎典重恩
 難讓愚悃奚安徒鏤骨以自期庶粉軀而論報

謝轉工部尚書表

本傳唐書成遷左丞進工部尚書進唐書在嘉祐五年六月時制尚在鄭州至次年始進謝表故云奉去年六月制詔又神有讓轉左丞劄子見本集

臣某言奉去年六月二十三日制詔授臣工部尚書職
 任勲封食實封賜等竝如舊仍放朝謝者成命臨下愧
 汗交顏伏念臣性本迂疏能有涯分論撰清選每得竄
 名雖邊要至雄亦叨假節奏課弗效誤眷無酬向以眾
 力成書特恩進秩避讓既却冒受尚新俄錄歲勤更借
 省坐名品尤峻遲暮難堪但四載叙遷已成定制一辭
 祈免恐近取名輒服褒言肅祇官次此蓋伏遇皇帝陛
 下廣無遺覆照必逮微垂記孤臣普加陟典政不益勉
 辱陋愈探典刑肌骨昭銘涓埃厘效

讓加承旨表

竊續通鑑長編嘉祐六年二月甲辰詔翰林學士承旨宋祁遇入直許一

人主湯藥祁以羸疾請之也加承旨
在五年中祁卒則在昇年五月丁酉

右臣今月二十二日閣門降到誥敕各一道授臣翰林學士承旨依前兼端明殿學士翰林侍讀學士者聞命震驚撫躬愧汗伏念臣病求解郡恩許還朝獲便醫藥之良以救桑榆之晚是爲再造舉戴深仁然自休偃于私居尚苦纏綿于舊疹深虞盈滿遂致顛隳今茲詔除尤出望外且承密旨者或膺疾召或訪欲謀法從翠華之嚴恭持紫橐之重必資該敏仰副眷求如臣者年事

頽侵氣力衰耗且責于必不能者敗加所不宜授者僭實累公議致速身災自知甚明人言將至伏望皇帝陛下推雲戢霈破菑延光許回誤恩少安危懼誓堅九殞歸謝鴻私

景文集卷三十八

景文集卷三十九

表

宋

宋

祁

撰

代章集賢讓拜相第二表

寶元元年
同平章事

案章得象字希言歷官
承旨景祐三年知樞密

臣某言確摯上陳危言若訥猥煩勅曉尚閱俞從內省
冒升罔諧寧舍臣聞力不勝而強用者儋石益之則躓
視既勞而猶察者與薪值之亦昏何則才局于素定之
倪效屈于用多之廣早明茲理敢誓固辭伏念臣本自

諸生不經遠物雖圖筮仕止望易農嚮緣邇禁之聯遂
忝鴻樞之領投醜嬰屢缺之畏躡足微必勝之籌衆不
可誣事皆已試寧足越司天宰之柄上憲乾台之華昏
于已窮躡乎強用名器者天下之重師尹者列辟爾瞻
濫始于茲下安取法抑又聞宜負而乘小人之盜實招
不狩有鷄無功之祿爲刺巧于室者弗令撓而貽壓愛
其器者非欲滿而就傾如臣所懷舉皆類此況今權綱
俾又憲度交修方當訪弱翁之賢總領衆職資胡廣之
問練達朝章無令蕭枕之餘首玷論思之地伏望皇帝

陛下念任人之尤重諒省分之足矜質臣以彼己之言
許停贊制免臣以疾顛之咎俾示曲全者哲在廷俊髦
布列枚功而舉謀國必臧瀝危款以罄聞仰睿音之垂
可

代揚太尉讓加節度使第一表

楊崇勳字寶臣明道元年授檢校

太尉山南東道節度加樞密
二年同中書門下平章事

臣某言伏奉今月某日制命以修葺大內了畢加臣某
官落成在旦懋賞均禧由置局之有經枉推恩而異等
罔功已甚拜賜不遑竊念臣自闕茸之中邁亨嘉之會

器非適用食乃浮人椎頓少文罔裨于紀律樸忠自任
僅宿于官箴猥蒙大度之容進貳中樞之職一昨大營
層構別建攸司領使以上公之尊咨副于邇臣之列不
圖推擇偶及妄庸臣于斯時罔及崇讓誠以二宮側身
之際百役僇功之辰冀率寸長仰寬肝食其如庶民樂
勸百堵竝興有茂宰以建規有勞臣之宣力臣但參陪
廟算奉行符節無黍稷之重無涓埃之勞訖太紫之雄
成塞天淵而渙汗猥紆成命序進寵名錫號以紀庸爰
田而衍食本兵劇職疏社近藩而臣退省其私何力之

有掩上之功則在體不順掠下之美則多謗其興取身
之災爲國深悔兩失其道入將謂何伏望皇帝陛下收
已澍之仁據循名之實許還誤賞無俾濫官責其陳力
之微紓以害盈之咎日有三舍或遇感而必移志在匹
夫信有誠而無奪援天惟切得請是期

代楊太尉謝加節度使表

臣某言近以虔奉制恩驟膺寵數尋露章而再瀆冀還
賞于至公游沐慈音仍斷來表祈天靡諒拜命知榮竊
念臣論品下中賦材弱植緣先朝之誤寵收一介之微

勞感會風雲汗塵名器執戈外禦適遘偃兵之期涉級
序升遂竊登壇之拜總提師律拱衛宸居積日爲慙無
勞可紀不圖聖獎擢貳近樞坐席未溫營宮勿亟咨宰
庭而命使挾戎帥以領徒曾是妄庸亦參經畫逮落成
之告始顧居逸以興懷百詔攸司聿陳盛禮應天以實
衷對于廟靈與物惟新茂宣于雷解祈年易日集福推
恩而臣底績至微備員有素因端闈之第賞紆溫檢以
開榮視秩本兵建藩維翰益勲臣之殊號增采邑之真
封矧基命預聞邇臣同體上方引咎克謹于盈成下或

分功何顏于啓處寵靈踰分震怖裝懷歷懇固辭戎命
難寢亟煩褒諭祗益罪尤斯蓋伏蒙皇帝陛下變復在
辰寬仁布度姑厚惟平之施勉從寧僭之科臣敢不祇
服訓言罄輸忠力防幾事之誠無俾害成佩進忠之言
更思盡瘁永惟素守用質幽神

代上皇太后第一表

臣某言斯干勿亟式壯宸居麗澤遂行首褒樞管省貪
天而冒賞舉跼地以增憂竊念臣智效有涯親逢爲幸
宜疏而裨濡翼于梁倚上聖之兼包過煩言之舉劾擢

于宿衛外佐樞衡間屬完復宜溫繕圖輪奐事資專達
別建攸司官必有聯用均底績臣始從未至遽貳敷求
冀千慮于參裨希萬分于報稱而寸長自驗任重咸知
上則祇稟于謀謨次乃倚成于衆力秩未加而爭勉功
不日以慶成千門翬飛百堵山立而臣委此在列拱默
居官訖乏僦功之能仰裨煩使之任今乃溫辭誕告列
位徧聞特移近鎮之崇兼領上公之秩任官密勿廩食
豐融曾是冒居疇能安處雖含垢者天道姑務樂成而
缺望者衆心無容厭服伏望皇太后陛下察其退省惠

以克終追改命書弗加虛飾必若篤臣鄰之分懋功賞
之科則陳力有期或容于積日陟明無濫更俟于宣勞
臣止乞比類近班例外彝序庶乎不僭以肅無厭願回
從欲之仁垂采薄言之訴怔忡于此俞可是期

代第二表

臣某言臣近以崇進寵章輒騰讓奏大言垂答成命未
還斯衷所并懼處無措竊念臣材姿蹇淺地望單平獲
對聖期遂階樞柄汲深纒短自審于無能材敗錦傷慮
隳于有典值國家從周考室嗣禹卑宮獲贊事經亟成

丕績惟當陽之引咎因肆眚以翔仁首眷近班竝推異
數鴻私交委危懇匪寧何則密勿之司體均休戚彌縫
之任責在臣鄰當九重肝食以勵精寧百執晏安于受
爵上虧治表俯畏人言伏望皇太后陛下垂照危悰曲
全瑣質重名與器罔俾于官邪收絳以綸特從于人欲
儻道易盈之責實銜再造之私

代謝皇太后表

臣某言近膺制命崇進寵章再瀝危悰冀回誤賞俄枉
斷章之旨俾遵踐次之規徇守莫從拜嘉何幸竊念臣

本由羈齒獲邁亨期頃在先朝已嘗劇職協華繼照圖
舊見收羅領于城畱參離衛漢臣少愆僅乃過之林父
盡忠自知底止偶借天幸遂貳帝樞親佩疇咨之言預
聞其衆之事營宮度室權使慮功匪伊乏人姑願宣力
而靈臺勿亟斯于落成惟翼翼之小心答高高之深戒
肆類霄極祇格廟祧沛爲鴻恩賚及羣品薰至和于有
截示昭德之不違乃眷臣工竝推獎數而臣揆庸最淺
進律首加奄土宇之販章擁名器之烜赫疾顛是懼薄
訴載勤而孤根莫隔于青春幽益遂均于白日循牆罔

獲濡沫增慙斯蓋皇太后陛下協暢懿綱輔成至治謂
已行之賜寧僭而不收俾無用之臣未勞而先祿敢不
力希汝弼務告斯猷式是柔嘉保乎慎密循孤生而有
託喻厚報以無涯

代楊太尉讓樞密使第一表

楊太尉
即楊崇勳

臣某言伏奉今月五日麻制授臣依前官充樞密使餘
如故者獵等之恩猥加葺質本兵之地超以宗工聆誕
告以不遑撫危心而如灼竊以天人感會之要夙夜宥
密之嚴號爲樞衡罔私名器自匪安世之慎林父之忠

履無重剛之疑進有九鼎之重必程茲效始免冒居如
臣者根柢微材斗筭近器親逢聖旦假歷要塗將將之
仁上依于漢度師師之序久玷于堯官中寢告成攸司
何力例蒙霈寵改就近藩讓不獲從坐猶未暖旋頌渙
號俾正使名總異數以大來匪孤臣之克荷且臣聞之
愛官同乎美錦用士異于積薪使人皆學製則百度且
虧後而居上則有功不勸而況擢于數臣之未抗乎三
事之尊力且未陳進仍無漸伏望皇帝陛下據其器使
貸以滿盈追能徽章許仍故處用勤補過少冀于萬分

身文集
卷五
十一 繆晉校
歷級升階況存于有典庶全邦體恭俟天從

代上皇太后第一表

臣某言隆名烜赫異數便蕃辱誕告于王庭俾顯升于樞府缺然無狀惴若臨淵竊以運動二儀本之樞軸昭明萬事責在股肱自置使以居中匪得人而莫可況丁下武尤慎曠僚伏念臣系本孤平材微開濟由驂之靳四服于馳驅如山出雲偶邀于期會任圖大事蔑報萬分因考室之微功辱改藩之茂渥號封兼列錫予孔蕃方且澡雪愆冥講求故實俟愚者之一得塞小人之攸

箴而成命洵頒榮階逾縟由數臣之後進領上司未三旬之間再煩大貺顧惟冒處實速多言且用在材表者有必窮之期賞超功外者無能守之實下取四夷之哂上紊百工之倫祇悔旣多害盈可待伏望皇太后陛下諒其悃悞輟乃寵章且延積日之期俾竭寸長之效漸希有補乃議叙升在授受以爲宜亦等威之不僭倘蒙順許是免顛躓

代楊太尉讓樞密使第二表

身文集
卷五
臣某言昨以肅膺茂典進列上樞亟露奏函願還賞典

蕞爾之誠無感往哉之訓不移夙夜以思懷慙罔寘寤
惟官可以闕不可任非其人邑雖與多無容假之以器
何則十手甚衆百度所叢允當則不命其承虛授則浮
言胥動況幾微開策左右仰承累苟及邦身焉賴寵臣
甫從未至未究大猷猥屬建元例蒙進律已忍慙而冒
處冀陳力以少疇寧謂宸衷過私贊畫旋降正名宥密
之署財賦一二之幾內揆妄庸曷先勝處夫棟幹或撓
則困于衆材馬力已殫必要其所駕國之闕政當必由
之士有食功亦宜底止伏望皇帝陛下追收允令改命

能賢暴剝贖于百工紆賤軀之九殞罄敷危控虔俟俞
從

同前上皇太后第二表

臣某言近膺明制擢拜上司入竝宗臣對執樞柄尋露
情于尺奏冀收縟于誤恩答命雖頒俞音彌阻省循至
再震越無從臣聞善持器者不欲滿而就傾巧度材者
不使曲而強直物宜尚爾人理則然故責功者過量乃
傷陳力者不能而止敢援斯喻備述愚衷竊念臣慮靡
經邦官纔宿業獲階近綴未及半朞爵與衆而例加讓

景文集 卷之五
蒙恩而弗聽瘵官之誚曷日可逃不圖含垢之仁復舉
揚庭之典知小謀大任重道悠國有曠官身餘後咎脫
致彝倫之紊寧容一介之誅伏望皇太后陛下體斷斷
之能居然筮短察縷縷之請罔俾官邪許停授受之恩
實荷平成之賜

代楊太尉謝樞密使表

臣某言昨以叨膺茂典入管鴻樞伏省戶以陳章丐綈
囊之收霈危惊再瀆明制必行懼煩失以致尤輒進思
而冒處臣聞佐王基命簡在臣隣秉軸居中本之兵柄

非有號令風采爲下所瞻則必幅臆謀謨熙天之載異
于茲道孰匪曠官竊念臣材庸乏施地寒寡援與顏行
之下因得累勞陪周衛之中罕嘗進孰見容漢皇之度
久總軒師之營貳宰繁機佐經中寢會落成而不日因
恭祀以祈年汪濊深仁導迎協氣而臣弗從災異之變
更加名器之多寢默懷安委蛇就列內循無狀自詭必
酬何月律之未淹沐天私而載造擢于末綴遂正近司
輒成奏以讓還枉深辭之切勅薄言匪控進拜增羞助
百姓之昭明行虞辱國干六符之疏闕舉畏談天斯蓋

皇帝陛下養以至仁赦其少戇同五帝之親事不及有
司俾一介之孤臣無 大位敢不益勤縣力罔伏舊章
期有補于萬分敢自紆于九殞

同前謝皇太后表

臣某言近叨恩制俾正樞司伏閣上言願還于成命斷
章惟拜再杜于慈音固讓草諸冒居何幸竊念臣液楛
材散培塿地卑獲對聖期屢揚劇任敵王所愾既會于
偃兵積日之勞何從而塞責洪惟職履深諒由衷斯謀
斯猷罕嘗入告予求予取不議汝瑕惟先帝之舊人貳

禁庭之幾事屬圖考室兼議僞功燕寢乃安顧成竝享
紀年肆眚舍爵計功首膺無戲之言已援于宣之數僭
夫國典卬在人言豈謂天眷謬加寵章尤渥靡倫彝序
超據上游壅薄訴于危心隔蓋高之善聽光華異等震
抃裝懷三接諮取未識主臣之對萬幾慮可曷臻密靖
之風乘是朶來缺然升授此蓋伏蒙皇太后陛下道敷
善養人不備求貸衛縮之孰何取子顏之謹質特捐厚
禮期責寸長願懋賞以不貲誓捐軀而有所

代楊樞密謝加恩第一表

臣某言廟藉藏儀竝修于典業飲勲論至申告于治朝
顧無狀之具臣濫本兵之右職便蕃荷寵慙媿交顏竊
聞賞以功爲重輕官用能爲次序故公器者假之于下
則伐檀之刺興天秩者授之以庸則緇衣之風勸上關
損益昭見典章如臣者志抱樸忠任非文敏攀鱗附翼
實出親逢壯事老謀驗于已試擢升宥密未閱歲時蒙
含垢之至仁過空殮之橫議直惟天幸亟相帝容陪駝
乘以清塵從春旂而賑士徧升七室用勸九農而臣自
始屬圖則乏倪寬之建白逮于相禮則有孟僖之坐慙
奉凝蹕之還衡琢温瑜而升冊曾微千慮少答萬分免
戾爲多開榮非覲又况崇階異數衍食陪封卽舊以表
其新臨懼更延其寵臣躬雖幸國體謂何儻腊毒以冒
居實敗材之行及伏望皇帝陛下推明有典詢逮羣言
用必役其所長賞不加于非次收還成命昭示倍官弗
興鐘鼓之妖俾緩冰淵之懼探情非飾瀆聖奚逃

同前上皇太后第一表

臣某言廟筵升禩陽土就耕竝成希闕之儀徧第臣鄰
之賞顧惟輜眇猥玷近樞優渥首加震惶罔寘竊念臣

器非適用材不及中感會風雲湔除埃壒歷更華劇滋
 驚歲時曾不能僂俛宿官從容進執建明事望練達政
 宜徒以上庠晏晏之仁中懷齷齪之謹曲輪直柄有性
 分之專乘鴈雙鳧無盈虛之係入司機管參決謀謨屬
 以慈極奉先長君勸穡枚枚闕宇薦一德之馨香昫昫
 大田震九陽之滿肯禮兼今昔聲塞天淵而臣但荷親
 逢絕無云補將順其美則當國之輔在焉屬圖其儀則
 搢紳之儒戾止安可因飲至之際遂竊崇階無計功之
 差例增采戶使勞臣缺望多謗沸騰尚貽戮于代天諒

胡顏于接書伏望皇太后陛下察其知止惠以有終協
 贊當陽垂收渙汗且夫物過于鑑則照有必窮鼎渥其
 形則鍊將必覆願回慈護矜允危悰或免戾之可期實
 捐軀而知報

代宋資政謝大學十表

宋綬字公垂麻官參知政事資政殿大學士

臣某言伏奉制命云云者大言申獎清職趾華揆臣欲
 驚寘顏驥所竊念臣稟生滕弱循志樸忠典學在勤課
 功寡要惟仁與義慕大夫之求匪智而愚為有道之累
 逮事真考已列從官愛不汝疵舉知帝力伏惟皇帝陛

景文集 卷之三 三 繆晉校
下適成丕烈樂育謫材專錄文林之勤召升嚴署之遠
嘗令守屏旋詔歸臺肇啓祕宸顯標通籍時惟輔相之
缺忝貳論思之餘躋聖在宸備員取悔蒙收還于機務
乃厭息于謗言改服禁班別陪經省仰緣簪履之舊奉
望帷幄之中然而志以憂摧氣隨懼奪煩心易感末疾
間乘孰爲四體之勤纔煩三月之免彌年無狀有衆具
知敢圖則哲之明更濫惟名之假矧茲峻等創自先朝
未始平除蓋無常置本臣鄰之均逸故位絕以至優寧
容孤生冒處茲任竄景風之餘曲取朝佩之深譏斯蓋

陛下夙諒孤危審非讎黨大明垂燭蔀屋之家罔濫和
氣儻蒸拔楊之祗重茂靜循榮渥負絕常均儻可效于
寸長誓無忘于夕隕

代謝加恩表

臣某言昨以虔貢露封讓還渥典訥辭雖達善聽靡回
煩深詔以爲言俾斷章而趣受拒恩難瀆拜賜奚勝竊
念臣稟質至愚逢辰最舊久參宰政訖乏寸長嚮屬三
歲常郊萬靈介祉翼翼文考推以配天實實闕庭盥而
竝薦得陪顯相協葢上儀居謝徐生之容無裨伯始之

問何言飲至亦與疇勞內積冒居之慙慮開缺望之隙
 丐收茂渙用穆彝經而遴布俞音慎行出令廢其悃悞
 敦以寵靈表雲臺之美名賁巖節之要望階章魏品之
 峻勲柱楚官之華參萃于斯為榮尤至得非寧賞而僭
 在邦體之則然匪汝為疵恃君養而無恐輒膺敷錫增
 激懦衷此蓋陛下欽待臣鄰懋明憲度祿以為砥蕘磨
 鈍于人賜不踰時示勸能于後遂令縣薄首被慶私惟
 百慮以勉修期萬分之稱報

代孫侍郎謝加龍圖閣學士表二首

孫奭字復古仁宗即位

遷工部侍郎天聖中加龍圖閣學士

臣某言天臺封劄忽被于癘姿神閣直圖俾陪于清
 卽支離之病叟參汗漫之仙游崇讓無從省躬增悞竊
 念臣材非傑出世本曠僚志安草茅望隔青紫逮事真
 考擢備從官預擁橋門之經俄待承明之詔力非稽古
 陳車服以既多義乃不耕食困禾而太厚託上仁之廉
 養匪予取以見疵訖乏寸長以終無補陛下丕承在且
 善貸均休念舊物以軫慈由至愚而取信每緣沛洽游
 辱進升出則陪清道之遊入則奉適言之問龍光所集

儒者罕偕頃緣匪服之災迭邁負薪之疾氣一交遷體不自支涉月臥廬移書請急方將再拜歸道漸露乞骸之求百工咸熙少息瘵官之議雖私悰內斷會成命已頒謂寶構之嚴疑號文林之極摯青蒲規地近接禁林朱葉藏文居然帝所以原簪之未棄俾龍署以叨榮嘉亨允鍾夙暮深計且臣忝識大分久服近班伸于至明誼不徒讓又被寵先帝結犬馬之戀深歸報二宮慮桑榆之日短苟逡巡違命偃蹇懷安上孤圖任之私下取自高之譽臣雖無狀寧昧所歸輒拜貺以自天誓糜軀

而有地儻神明之觀未耗而筋力之能可求尙當夜思晝行克守無邪之誠早入晚出懋敦時敏之方展四體以上酬泯百生而後已

臣某言華戶病居方累支離之歎蘭圖祕構忽塵清切之司駭細劄之已行躍羸軀而祇受一辭罔遂三省增慙竊念臣學術本疎行能無算起家東鄙玷跡周行紆真聖之誤知偕邇臣之旅進淺謀料事無助幄中之籌直道干時常貸道邊之死計功未效僭賞云多恭遇皇帝陛下察無他腸垂矜舊物忘其逢顛之陋飾夫犧木

之文超羶神深游陪講勸而臣將身寡術匪服挺災及
此首冬繼成淹臥造朝希闊伏枕纏綿且念舊章不忘
臣則無胡廣之智大事垂問臣則乏仲舒之才在九戩
以不盈去雙鳧而非少宜先引避以肅懦貪私計未行
洪恩俄降罔示汰澄之責更階巖近之資臣夙夜自惟
揆卜宜審且下知止足蓋一身之謀上所懋官爲百辟
之舉苟曰圖大無容後公詎可遠忘先帝之恩近矜小
讓之節臣知非是物誰謂宜用僂俛以拜嘉勉婆婆而
陳力冀調醫齊益就平疆厲乃樸忠絕其吐茹庶追玉

堂之汙少裨黃髮之詢一死可留期報恩而不朽三軍
能奪誓刻志以無渝至禮不艾感踪奚隱

代鄭公授知制誥謝表

臣某言伏奉制命蒙恩特授臣本官知制誥并賜金紫
者祇居宰庭煨具代言之草參華掖署遽塵通貴之階
寵溢所涯畏深餘慄竊以隨風之命本鼓舞于庶方成
綍之言實權輿于四禁張官至重責實惟艱自非業廣
器閱文深識敏揆雅奧之明義屏愆忘于舊章則何以
參直祕曹對司允令慎徽布度克成近雅之風給藻會

機仰賁爛文之化親逢景運遘東惟人若臣者篆刻偏才簪纓墜緒舄先枋之占籍叨神壤以陶風不觀非聖之書僅承遺業竊冀上農之祿庶代寒耕會天歷之初元舉貢條之舊式猥緣薄技升冠甲科一命卿僚貳參郡政逮及瓜之趨節旋給札以試言超踐宮坊入塵史觀承人之乏遂贊計籌邁天之瘡自嬰家釁痛上恩之未報分餘喘以斯淪哀紀俄周稿骸故在辱台符之振敘復朝紱之光華荐居勾失之司仍貼記言之局歲逢會課例及當遷陟諫省以尸榮彌縫未効坐禮闈而辨

秀衡藻無裨靜言備位之慙宜寘黜幽之典迺蒙皇帝陛下敷求介善樂育羣材念久次于書林絕先容于仕路特頒俞旨改命清司因程奏之升聞紆睿辭之訓勅就加金艾之服以獎朝廷之容況職業所存典章可復各居一戶非人則上動祕躔分押六曹直日則專司進畫詎伊庸懦可稱恩華然汗令之已行顧鴛筋而思勉謹當奉循丕律輸罄樸忠寢階寡悔之方用畢捐生之報臣無任戴天荷聖激切屏營之至

景文集卷二十九

表

代中書謝表

景文集卷四十

宋

宋

祁

撰

五芝封檢忽頒星掖之文六枳維邦遽貳夏卿之秩驟
叨成命若蹈巖淵竊念臣材不逮中生惟薄祐遘協華
之聖旦託聞道于先師淳濯槁梧之暝蒙被菁莪之育
洪惟真考頌訓儒猷滌天覽于書林滙化源于璧沼誤
咨艱拙入備詳延誠雖厲于月將慮曷周于天咫以規

爲瑱訖無助于四聰有祿乘軒但貽譏于十手大明繼
照時敏聿修識姓名于阜衣軫慈憐于踦履忘其多悔
擢以近班日參桓郁之擁經孤奉漢家之前席矧惟非
領殆有數司外則閱四方之副封次乃主一王之儀典
虞庠茲誦領厥官聯駟野驪黃專其使局顧寸長之易
竭徒多口之成尤且復強力弗支華顛寢薄第家移病
時容襮被之歸蒙笏書思每代臨文之忘賴九重之矜
體免萬坐于刑章況在榮名敢懷貪覬迺蒙皇帝陛下
至仁格物大度包荒茲因恭祀之升禋更錄微勞于飲

念臣稟生輜蔽典學迂疎亨會相偕仕塗寢膺早緣佔
畢之伎久侍擁經之游天縱睿姿日躋茂德泰山盤翠
無俟埃壘之增時雨沛流安施浸灌之力委蛇就綴拱
默窮年瑁瑁者佩璫之長尸官自審坎坎者河檀之伐
浮祿旣多因綴講以偃休偶臨文而采獲以爲千慮而
得罔間至愚百官攸箴趣無闕政堯仁率俾有謗木之
求周道其興存庭燎之戒山是旁緣前誼紬繹費辭宣
之使言本由善治之及入告于內終謝斯猷之宜迺蒙
皇帝陛下綜成務之閒察邇言之陋貸夫淺慮諒乃朴

忠收爲瑱之寸長乃均犀璧枉出緡之慈諭迥比日星
刻誦載周孤危知命誓雖從干九殞靡忘補于萬分

代謝起復表

危喘視陰方瀆死所明恩變禮俾復近班尚言綽之惟
行隕涕糜而增感竊念臣早緣孤技獲對顯時姑務易
農非期膺仕智殫簿領慮彼己之不濡力瘵簡書亦食
焉而罔避漫階華劇特出愛憐有三釜以逮親誠一枝
而足志比屬邁臣均逸宥府缺員猥蒙不次之恩超佐
惟幾之地果緣浮祿延致害盈鉅痛終天餘生觸地慈

聊示責躬答皇矣之臨觀助勃然之興化言關清覽情
盡懦衷伏蒙皇帝陛下深護汝疵罔譏彼相奪其小節
納以大猷責孟明之忠俾增厥政重張武之場式愧其
心赦煩瀆于免冠諭溫純于細札靡加明黜趣勉微功
臣等敢不進撫五辰退求百度開陳熙綽革剗便文漸
臻玉燭之和規復茨梁之積少寬昧旦免玷代工庶依
觀過之仁得及知非之路他官有始捫舌何言

代宰相謝傳宣入伏月令午正歸私第表

右臣等今月一日中使傳宣自入伏日令臣等午正歸

私第者炎隆秉序慈哲推仁以畏日之方陽且揮汗之相屬特容夙退俾便私居仍盡伏金之辰始舉常參之限仰銜優遇交極感懷況臣等曠位居多計功無補晨趨暮出自有成規趣駕先期猥煩寬詔欽服從人之惠諒無蒙暘之疴共誓交修少圖稱報

代石太尉謝令安州照管表

臣某言八月日安州進奏院遞到中書劄子奉聖旨已令本州常切照管者寬大之命下濟于天光蔽鯨之軀甫還于筮魄發瞽若輝于龍燭釋髮如出于虎蹊撫續

息以幸存奉絲言而增惕竊念臣本惟樗昧獲遊會昌乏千里之折衝懵四夷之方畧程材六郡獲預于良家待罪五符詎知于尺籍先帝軫其單賤勗以勤劬靡試异于外庭遽編名于衛署宣威亭毒屢分四牡之華弭亂巴賈曾預一夫之勇未能陳力深懼曠官伏遇皇帝陛下蒼震承休珍圖纂業將懋功而枚賞方右武以勸能俄辱寵章游膺渥洽乘輅出使蒞施橫草之功飲至勞旋濫預策勲之爵自爾奉簡書而祇畏飭師律以申嚴克完犀利之兵上副穆清之寄累勞未驗乃眷益隆

尋復盜起坤維妖興玉壘吳蛇薦食竊弄于庫兵泮樵
未懷敢稽于天討而臣謬當深詔躬佐下軍受堂上之
奇謀制目中之醜敵帝赫斯怒貔貅方議于奮威人得
而誅蟣蝨已聞于相弔天聲大震月捷繼聞俄申戮于
凶渠俾維新于汙俗集成巨伐皆稟睿謨若專微臣幾
誤大事乃至邊陲屢警戎索載嚴廛兵老上之庭斬級
雲中之塞宸旌直指殄幡豕之星狼革輅親征見漢家
之武節分屯介士防遏盛秋臣實安庸獲膺任使敢不
深惟一得之慮菲施十駕之勤借重耳之艱難謹武侯

之節制披堅執銳志竭于寸長斬將搴旗誓當于一隊
旋屬穹廬納款左衽通驩兜零能照于邊烽督亢遄歸
于內地肇建和戎之策茂臻偃伯之期遂復第賞靈臺
酬庸盟府當陽三接屢榮錫馬之侯列國十連均仗齊
壇之鉞繼頌成命出領大藩而不能恪奉詔條勤修職
業畔官離局妄肆于矢言殄行震師果罹于昭憲旣具
王庭之獄請從蕭斧之誅豈謂天意好生皇明獨斷屈
成刑之端議申肆眚之大猷止外竄于遐圻俾俯存于
餘喘念一介之賤不忍加誅廓三面之羅與之更始洪

推大賚曠絕常均此際仰舜法之大寬荷堯仁之不殺
挺身萬里甘淪禦魅之區齋志九泉用塞喪元之責未
周成歲尋霈鴻私自臨賀之炎陬徙房陵之內郡假青
宮之道候給長府之廩錢擢于鉗欽之中齒乃衣纓之
列棄簪之賤特軫于上仁涸轍之波彌涵于麗澤仰繁
大度克庇微生敢期再歲之間復降自天之命改陞環
衛徙置方州蟠朽迴春頓茂九陽之氣幽潛發蟄驟驚
百里之音夫何流宥之餘獲覩光華之日斯蓋陛下阜
昂景化丕闡寶慈以臣久在戎行屢持師節管穴之見

十一

雖無前筮之勤犬馬之勞不捨敝帷之報特形隆旨昭
示守臣俾自勵于操修且深加于存卹不寒之慄潛釋
于冰淵垂暮之年免墜于溝壑事踰初願恩極更生再
念臣抱釁以來撫躬至熟誠由爵位太厚尸曠居多失
漢臣醇謹之風冒道家干進之忌寇至誰咎器滿則傾
垂貽折覆之凶上玷清寧之化然而事君無隱靡有于
他腸食肉寡謀薦招于祗悔由物情之靡協致陰譴以
自貽每念前辜故忘終食謹當上遵彝訓克勵迺誠用
酬觀過之私循致寡尤之地屬桑榆之日索懼螻蟻之

命輕雖貪祿鶴軒深負百錢之贖而裹尸馬革愈堅十
死之心臣限以拘留不獲躬詣闕庭無任感激屏營之
至

代晏尚書亳州謝上表

晏殊于明道二年以
禮部尚書出守亳州

初違四近出守一麾祇稟詔條奉揚民政擁左魚于官
次俸疲馬于君軒揆寵補躬兢榮慚刻竊念臣本性孤
遠獲對盛明因緣篆刻之微陶被師儒之誨先皇帝憐
其稚齒獎以片文長育中陵之阿每誠素絲之習遂用
謹敎進服寵光塗飾朱丹湔除埃壒乘人之乏每食輒

浮始自書林寢階辭掖屬星渚之貳極參震邸以爲僚
此際出入兩闈遭逢千載寧無越思之過或有奇中之
讒大度兼容多言訖息入躋內署彌邇清光伏遇皇帝
陛下重協睿華丕承淳烈軫其舊物謂無他腸斷自宸
衷佐經樞筦室大柱小罕不撓之期車重馭煩有必顛
之勢果停密務近守留都旋沐召還再加收試南臺風
憲之地秘殿侍從之榮咸叨踐揚蔑有論報擢司邦計
顛領使權雖籠天下之財罔紓縣官之急遽蒙中詔參
預宰庭忘申侯之有疵用王譚于下第論思在日僬俛

踰年曾不能卓爾建明毅然處可引俊良而咸事故險
謁之庸違開陳治端總領羣職而廊廟之任方夏具瞻
政之無良臣任其咎陛下弗詢徐防之免罔責石慶之
歸人言則姑務納汙天災則不令移過括囊耽祿久已
自知傷錦瘵官居然衆驗洪惟濬哲終賜保全屬當明
辟之初例舉均勞之典懋官加等作翰疏通道路甚夷
風土差樂恩護其短誼不忍誅再生之慈有死無答重
念臣夙陶雅化粗識大方蓋知一心事君四體率職惟
書盡信舍道弗營動保廉隅進非紹介受命于地乃冀

于不凋獲罪乎天奚取于他禱但以孤特少助依違取
容獨木不林衆怨如府積爲拱默之罪上孤振拔之私
往咎深惟胡顏自處所賴回霜申宥涵海蒙禧廢格典
刑矜憐愚惹乾坤施德厚及于謝生犬馬日長誓思于
補過收桑榆而可待摩頂踵以爲期宿業云初乃情增
悸

代加大資知相州謝表

臣某言佐邦無狀解務云初併帖華資峻加茂秩寵光
溢望愧情交顏竊念臣智不周身材非經國曩緣亨會

超進仕塗興于孤生越致三事先皇帝獎其狂直申以
保全擢居震邸之僚豫識龍顏之表時惟巨慝構乃厲
階忘臣以樸忠閔臣以艱拙潛坐黨人之議嗣罹醜地
之遷萬里去邦朝非謀夕一身許國死且猶生冀其虺
毒斷臂而窮獸噬得人而止伏遇皇帝陛下日華升照
天德爲剛除堯羣凶纂禹舊服垂念投荒之窘亟推修
廢之仁罷解鷲羅洗除痕注頻更屏守復拜臺司而臣
壯以懼銷氣爲憂耗傷禽墮手虛引仆木衰于望秋再
舉疇咨訖無云補果連他壘上策辭章言盈外庭謂有

平典而陛下止收丞相之印尚進司寇之曹始命爲藩
遽令回節改升祕殿之職留侍西清之筵當責推恩在
允逃悔悉排公議曲暢宸慈斯蓋不冒好生清衷念舊
將收後效特濟餘齡謹當凜雪煩襟激昂懦節昏瞳寢
濁尚能讀夫九丘病骨已銷敢自疲于三陌惟心內誓
有殞爲酬

代張屯田兖州謝上表

臣某言昨蒙恩差臣知兖州軍州兼管內勸農事卽于
某月某日到任訖初違北闕出領東藩千里而遙萬夫

為長卽宜寬詔用慰斯民竊念臣門素地寒器朽識褊
陶師儒而有漸苦扞格以無成逮事先朝已參宁定親
逢下武繼被采收有皆短之五能乏至愚之一得蒞官
未效滿歲輒遷比濫使輶獲提京邑式瞻周道慶在隰
之有華祗率漢條期墾田之可問雖希盡率寧厭用多
合首次沙用懲竊祿伏蒙皇帝陛下葦然善養豁爾兼
容山有疾以務藏日容光而必照黜幽未寘疎渥更優
頒禮上臺假麾廣魯伏況量衡所協近經虞后之巡壤
賦有差悉載夏家之貢禪閭在望儒泗成風家被復除

人知廉愧謹當奉揚成訓昭體至仁舉燭解琴冀動咨
于典訓擢苗傷錦敢徼罪于官刑淪髓在茲析肝何喻

代轉戶侍充職知廬州謝表

事明道二年以戶部侍郎知廬州

陳堯佐字希元歷官翰林學士參知政

臣某言伏奉制命特授臣戶部侍郎充龍圖閣學士知
廬州軍州兼管內勸農事者寵加無狀願出所涯渙汗
不收捫心增愧竊念臣憊煩材品扞格藝文早汙署堂
繼持從橐慶親逢之在旦託私益以如天旣負又乘宜
疏而裨書思朝簿絕念夫均勞計過夜分未知其寡悔

且復稟生多病中年早衰目苦眊昏氣多輜結悒悒臂
肉計日減分種種頭毛從衰得白或臥廬請告或伏枕
彌旬極昧死以陳章願出藩而寬疾洪惟慘愛終爾依
違如臣至愚自卜己審非不知高門之地邇帝所之凝
嚴承明之廬爲仕塗之極攀而命奇智困福過災生跋
倚不足以相儀忘誤無容而置對起訖還卧自取晉臣
之嗤否終弗傾誰任義及之咎與虞三瀆頻素四聰所
天必從誓恩不朽伏蒙皇帝陛下深仁念舊大度匿暇
取電霽威回春振精憫其尸居之氣察無他惡之腸更

進文昌之貳官尙領河圖之祕禁擢其善地許以再麾
本緣偃息之私更遂便蕃之數臣敢不勉修治體徧諭
上仁循致樂餘少寬旰昃至于遵宣尼之慎疾訪周氏
之全醫冀及平疆再陪訪逮出奉會稽之最非敢告勞
歸成麗正之書誓無私恨逢辰論報沒齒爲期

代知兗州謝表

臣某言驟違天咫祇率星言趣四牡以載馳戾萬夫而
樹政大東之輿剖簡爲榮竊念臣智本顛蒙數惟奇隻
早辱縣官之使遂代上農之耕曾乏所長仰禪乃事支

離有素居延受粟之譏樸樸而生久玷能官之詠連更
郡寄再覲宸嚴清明會朝預陪于有著好醜必上令盡
其所言復加五品之章以示百城之寵洪惟幸會負絕
擬倫此蓋陛下仁篤好生惠深藏疾扶盧直縛各盡于
有能益海附山或取其微益俾茲蠢野尚玷寵私矧汶
上之名藩本晉初之奧壤承平在旦富庶敦風臣敢不
律乃叢軀撫茲善俗中庸厥履日夜以思東矢鈞金體
欽哉于庶獄杏華苜葉誠勤止于斯民少寬當辰之勞
上答包荒之賜

代謝加勲表

臣某言今月日本州進奏院遞到官誥一通敕牒一道
蒙恩加臣上騎都尉餘如故仍放朝謝者神贖二龔肅
陳天燎之儀溫詔十行誕布玉絲之澤渙汗式均于近
署策勲爰及于具寮對昊命以知榮循官箴而憎惕竊
以冥行之寵遠自于周班疏爵之勲近從于唐制皆以
增隆分數微序國章慎康服以酬勞縻寶賢而分職聿
常亭會必副輿僉如臣者尤治無聞曠僚滋久超肩膺
而展采貳符守以出藩徒堅斷斷之心未洽優優之政

幸屬國家撫重雍之景運展其盛之帝容卽大次以告
 成御琫輿而飲至天闈第賞允示于推仁侯服均禧誤
 叨于進律顧光華之曲被實俯僂以無從謬玷寵靈彌
 喧物議敢不劬勤職業率勵典彝夙夜在公謹守舜俞
 之訓彌縫其闕免招漢習之譏

代薛資政謝許住京養疾表

薛奎字術藝累官參知政事明道二年

一月以疾罷為資政學士

臣某言近以久疾陳乞外任伏奉批答且令在京就醫
 茲將治者卧疾彌年未諳有損乞蒲上奏冀獲自私狀

危懇以不支枉温辭之垂答深仁下濟槁質重蘇竊念
 臣偶籍嘉亨入陪丞弼師師之訓無補官箴兩兩之符
 屢干臺象緣食浮而取謗遂福過以延災肺腑為疴踵
 息交臂獲解中樞之任尚叨祕殿之名特免造朝以便
 藏疾官無三最亟煩予告之恩祿乃百廢居畏無功之
 責綿跨燠涼嘗備苦甘前愈未臻後劇還甚竊謂尸疲
 之馬難望君軒之前遂枯之根決無犧器之望輒祈近
 服庶穢殘齡蓋且不得而去邦非無情于戀主孤心如
 隕危涕自零陛下大惠不貲至誠時克曲矜舊物昭布

大言慮下國之既遙乏上池而取效俾留神縣庶就嘉
醫屈原之魄九升招還有漸魏鑿之病三百距躍可期
獲延朝菌之餘誓畢夕冰之報

代李副樞生日謝賜羊酒米麪表

案李諮為樞密副使在明道二

年四月

危心締感永念于劬勞多物有容茂昭于慶賜夫何庸
惜有玷寵私竊念臣偶以薄材累更煩使入佐本兵之
地直逢偃節之期恩有墜而無酬力不能而將止聖猷
天縱大度山藏弗暴所疵冀收云補推御人之為大記

射矢之有初寵以稻糴申之醪餼况臣熒熒在疚齟齬
叨榮懷顧復以滋深荷匪頒之尤異竊同騷客私有記
于庚辰何幸絳師上乃知于甲子惟內捫于肺腑冀匪
懈于仕塗獲報萬分無忘九殞

代鄭公謝生日賜牲餼表

臣某言伏蒙聖慈以臣生日特降詔書賜臣羊麪者至
仁垂眷多物分頒副中詔以申褒來王人而臨諭省恩
尤渥被貺滋慚竊念臣夙以羈辱遘于熙盛比塵皇揆
參決政樞仰含天覆之容未責人言之刺矧惟生旦自

志私懷不謂上聞更煩眷記遽斥醪率之厚且沾稻穡
之甘充衍家饗光華里旅糾宗示惠雖感于已孤續老
蒙慈遂同于再造此蓋皇帝陛下待臣隣而有體崇予
錫之載蕃雖值謫才亦容異數追念親懷之遠仰叨聖
養之隆俾艾不誣歸疇有所

代集賢相公謝生日賜物表二首

沃若使華奉時明命賁然賜品森照私庭荷鴻造之顧
存撫煩悰而震怵竊念臣親逢千載逮事兩朝再辱營
求訖無稱報聖神天縱憲度日躋曷嘗不心慚于開陳

之端汗流于主臣之對方虞隳職仰玷代工迺蒙皇帝
陛下俯諒謫材特恢大度推邇臣之同體記生日之有
初橫錫餼醪紛頒管笥佐庖爲具出乃眷之茂恩列鼎
分滋結所生之深感內期中瘁少答涓埃

上恩蠟等多物陳庭俾同氣以奉將實有家之深幸竊
念臣誠微練達資適會亨先帝察無他腸擢充汝弼功
非可記寵已不貲屬兼調護之臣預識徇齊之表伏蒙
皇帝陛下曲憐舊物再叙上司曾是憇冥闕然風采平
章百姓則罔助堯功鎮撫四夷則但循漢法託于大度

偶及寡尤敢圖乃聖之仁垂念所生之巨斥華紈干內
府分精器于尚方乘馬權奇衢鞍熠煜侑其私慶續乃
衰年竊比絳人僅知于甲子本慚周輔弗紀于崧高銜
有昊之至慈啓孤臣之再造誓于九殞仰答萬分

代生日謝賜羊酒米麪等表

臣某言禮本自生劬勞之常感寵加多物錫予之至慈
荷居所之頒分動私門之距躍竊念臣系承單素仕遭
亨嘉緣樸移忠因儒懦武進貳惟幾之地間聞甚衆之
言舛命自嬰親闈見背亟蒙勉詔還攝攸司楚臣離散

之魂胡能立事漢后回容之庇居不爲瑕屬震肅之初
辰動沈綿之深嘆陔蘭隕露遂無欲報之期門矢生塵
長結已孤之想敢謂陛下俯矜餘息申獎有家雖當惕
景之餘亦侈陳庭之賜仰緣滋旨更極摧號收景西山
還齡司命不家而食頓荷于扶衰有踵可摩敢忘于陳
力苦言增吶感膈奚宣

代參政生日詔書賜牲餼謝表

臣某言伏蒙聖慈以臣生日特降詔書賜臣羊酒米麪
者驛使紆駢締封墜眷旅臻錫品紛照家庭銜惠庶贊

捫心知愧竊念臣叨陪宰政再買歲躔庶務所繁
不輯託包荒于天地未罷賜于丘園載育在辰早孤集
感方有緣寵例推衍恩華分碩畜于牧人沾美醪于酒
正屑饗珍潔道米粢甘榮所自生私訂累茵之歎俾于
爾艾更蒙全領之慈此蓋伏遇皇帝陛下道茂養賢誼
深愛禮忘其愚短假乃褒優佐家食以屬厭闔宗盟而
循省誓勤夙夜歸報涓分

景文集卷四十一

